

世說新語補觴

下

水

冊數	記號	冊號
二	一	三
	一	一

滋賀縣中學校

三十三号

123.01  
270  
Val 22

世說新語補鰭卷下

西播 岡白駒著

校立卷

中學規

箴上

嚴子陵與侯司徒書曰君房足下。侯霸字君房。○位至鼎足。後漢太尉司徒司寇為三公。三公者象鼎三足。共承其上也。

註帝令以物色訪之。以形貌求之也。○是非癡語也。是非癡語乎。

京房與漢元帝共論章

註友人五鹿充宗。顯之友人。○然愈於彼。幸愈於齊桓二世。

高義方造馬季長章

○覆刺為書曰。書姓名于奏白

曰刺。

魏文為選官將時章 ○幾有奪嫡之義 臨淄侯魏文之弟也

蜀先主嘗因早儉 儉歲歉也 孫休好射雉章

註在位烝烝 烝烝進也。堯典云。烝烝乂。何安鄧廳令管輅作卦章 ○交珠而吐誠 今輅始見

何鄧而言其誠實。○明德惟馨 言德因事而見也。○詩不云乎 詩。小雅。烝桑篇。○中心藏之。何日忘之。 義取

服膺之。然晏不能退。所謂說而不繹也。 註懷我好音。 魯頌。泮水詩。○注情葵藿。 注情如葵

藿之向日也。○據鼎足而登金鉉。 據鼎足。為三公也。 鉉。鼎耳也。易云。黃足金鉉。○山在地中曰謙。 艮下坤

上為謙。艮山也。坤地也。夫山者高者也。而在地中。謙之

象也。○雷在天上曰大壯。 乾下震上為大壯。乾天也。 震雷也。志。雷者。陽無之聲也。而震天上。大壯之象也。○

哀多益寡 此謙大象辭也。哀與措通。措。減也。古易作 措。○非禮不履。 此大壯大象辭也。○老生見不生。

見乎未然也。○見不談也。 不談而知之。 嵇康遊於汲郡山中章

註或沒諸水。出而觀之。登復大笑。 人或投諸水。欲觀 其怒。登既出。便復大笑。○用才在乎識物。 人之有才。

多不自用。而用諸物。識物用之。即自用也。夫火之有光。 不得薪則已。人之有才。亦不得其物則藏。所以全身也。

王夷甫婦章 ○干豫人事。 問遺宴會。凡事皆干豫之 註賓客與別云云 此疑脫誤。

王夷甫與玄遠章 ○見錢閣行 閣與礙同。隔闕也。

謝鯨為豫章太守章

○日亡日去耳 使不臣心日亡

日去耳○實懷未達

有未達乎其意者○盡冲退以奉

主上 冲。虛也。老子云。大盈若冲。冲退。蓋言謙虛退遜也。

註何損於時 我殺如君者數百。何損於時。敦時誅殺

忠賢。輕罵鯨云爾。

陸玩拜司空章 ○梁柱間地 屋脊曰棟。負棟曰梁。梁

柱。支梁柱也。

王右軍與王敬仁許玄度並善章 ○為論議更克 克

勝也。蓋駁二人論而立己之議也。

謝萬就大傅乞裘章 ○欲以為豪具耳。 豪。豪俠也。

規箴下

祖士言深好奕棋章 ○否泰不窮也。 遇否則達其才。

遇泰則達其道。是否泰皆不窮也。

註隱以隱素自守 王隱以隱逸寒素自守。

郗太尉 郗丑饑反。陰本作郗非。郗姓。江右名族。與郗別。

黃長睿曰。郗詵。晉大夫。郗穀之後。郗鑿。漢御史大夫。郗慮

之後。姓源既異。音讀各殊。後世因俗書相混。不復分別。○

翹須厲色 翹。舉起也。在頰曰髯。在頤曰須。○便言方當

乖別。 此郗之言也。郗先發此言。而其次口重不能言。○

三公攝其次 攝乖別之次也。攝代也。○冰衿而出。 冰

衿。言懷抱冷也。

桓。南軍好獵章 ○雙甄所指。 甄。陣名。雙甄。猶兩翼也。

左傳所云。將獵為兩甄。置左右司馬。是也。

遠公在廬山中章 ○或有墮者 隨與情通。○桑榆之

光。理無遠照。 桑榆。晚景也。此喻身老。其教不能被及也。

殷顛病困章 ○消息所患。 消息。猶云調攝也。所患病

註 唯當守局而已。局，部舍也。謂其所守也。○進不敢同，退不敢異。進不敢同於汝所為，退不敢異於我所守。

王緒王國寶章 ○上下權要 上時掌反，下戶嫁反。○王大不平其如此 王大，王忱也。○汝為此歛歛 歛歛，有所吹起也。

註 為孝武所待 所禮待也。

王國寶構謝太傅於孝武帝 構，謂讒之。○歌曹子建怨詩 欲為謝安解讒。○使君於此處不凡 安初為吳興太守，故稱使君不凡。不尋常事也。謂有關於此詩也。按晉書作不免。

桓玄欲以謝太傅宅為營章 ○文靖之德 文靖，謝安

諡也。

王司徒謚與遠公書章 ○觀其所存 觀心之所存。

謝康樂父章 ○乃與晦曜 謝晦字宣明。

王仲寶小時章

註 隱心而後動 隱，度也。○守愚聖所藏 藏當作臧。

臧，善也。○柔弱，生之徒 老子云：人生也柔弱，其死也

堅強，萬物草木，生也柔脆，其死也枯槁，故堅強者死之徒，柔弱，生之徒也。昔漢高祖之於項羽，可謂柔能勝剛，弱能勝強者。此老子之術也。○行行鄙夫志 行行，剛

強貌。大剛則折，此一鄙夫之所為耳。○慎言節飲食。

此養德養身之切務也。○知足勝不祥 知足不辱，知

止不殆，又何不祥之有。○要人 權要大也。

顏延之竟陵章

○要人

權要大也。

齊武帝時章

○曲宴

謂小小宴也

○抄肉拌

抄與

抄通。摩抄也。拌與盤同。

王長史至性凝簡。凝嚴整也。

註輜軒填咽。

列女傳曰。后妃踰闕。必乘安車輜軒。此

婦人所乘車也。咽塞也。

齊高宗從弟季敞章

註善於彌縫

彌縫補闕也。

湘東王繹章

○雙陸

魏陳思王製雙陸局。置骰子二。

○食子未卽下

子。骰子也。

註網弒棟廢

侯景廢簡文帝網。立豫章王棟。既而弒

網廢棟。而自篡立。

高宗出獵章

○雨衣若爲不漏

若爲若何爲之也。

呂太乙爲戶部員外郎章

○銓總之司

銓量也。吏部

掌量人才而選舉。故稱銓總。

註爲御史裏行。

唐睿宗時。定御史大夫一人。中丞二

人。侍御史四人。殿中侍御史六人。監察御史十人。主簿

一人。內供奉裏行者。各如正員之半。按太宗朝。始有裏

行之官。高宗時。方置內供奉。及裏行官。皆非正官也。○

不卽真。不爲正官也。○擢擢當軒竹。擢擢。拔出也。

○籜小未成竿。籜。竹皮也。

韓魏公執政章

○陶鎔之地

政之化下。猶埴之在陶。

金之在鎔也。故政府曰陶鎔之地。

捷悟

楊德祖爲魏武主簿章

註修常白傳

常嘗通

○知必有反復教

言由此事

必反覆詰之

○勅守者曰

守者有司也

○若按此次

第連答之。若汝也。言初詰。須以第一紙答之。再詰則以第二紙答之也。○終亦是修。終以修答為是。魏武嘗過曹娥碑下章。

註撫節按歌。楚辭。緩節兮按歌。按歌蓋曼聲歌也。○存其父尸曰。存。察問也。○詩人之作。無詭妄也。蓋言三百篇遺意。而無詭妄者也。

楊祖為主簿時章。○護軍。護軍將軍。主總統諸軍。○雞肋。肋音斤。肉之力也。○外曹。各部諸將。○稍嚴。嚴讀為裝。

王敦引軍垂至大桁。桁與航同。浮橋也。

註燒朱雀橋。晉書。作燒朱雀桁。

郗司空。郗惜字方回。鑿之長子。○公督五郡。公爵也。晉職官志云。諸公及開府。位從公者。品秩第一品。

註及。袁真等嚴辦。惜以羸疾求退。嚴辦。從軍之裝。已具也。惜至此辭疾不從。

蕭彥瑜嘗與御宴章。○投臣以赤心。棗之為木。赤心有刺。故古詩云。外雖多刺刺。內實有赤心。

張說女嫁盧氏章。○措牀龜。措與支通。拄也。謂牀足刻龜形也。○舅得詹事矣。詹音同。

令狐相鎮淮海章。○有支使班蒙。支使官名。度支使也。

湖南馬希範章。○拊背嘉之。嘉其大君。小臣之辭。

夙惠

賓客詣陳大丘宿章。○炊忘箸。箸陟畧反。與箸同。算。斲算也。所以蔽甑底。甑。炊器也。何不餽。黍米半熟。謂之饋。饋而以水沃之。熟而蒸氣流。謂之餽。○更相易奪。

彼之所失此乃得。

徐孺子年九歲章

註蟾蜍亦陰也。按五經通義作蟾蜍陽也。此云亦陰

也。誤也。不爾。何得言陰繫於陽乎。

黃子琰少即辯惠章 ○京師不見。按後漢桓帝建和

元年正月辛亥朔日有食之。在營室三度。史官不見。郡國

以狀聞。是時梁太后攝政。

註上蠻賊事。副府。言已上正本于朝。又別以副本詣

公府也。

孔融被收章 ○琢釘戲 釘讀為丁。凡玉珮鐵馬聲。及

金石擊物聲。皆曰丁當。琢釘蓋棊子著局之聲也。

註猶差可安 此評者斷也。○孫盛之言誠所未譬。

譬曉也。魏氏春秋孫盛所作也。

張純張儼朱異俱童少知名章 ○老鄙相聞 老鄙自

稱也。○饑渴甚矣 言欲相見之切也。○以輕疾為妙

以迅驟輕疾為言者。欲其速賦也。

註皇皇者華。蒙其榮耀。皇皇者華。遣使臣詩也。送之

以禮樂。故云蒙榮耀。○無古人延譽之美 謙自謂也。

○結縞帶之好 左傳季札聘于鄭。見子產如舊相識

與之縞帶。○知季文愴定 按愴定不成義。疑當作會

定。會定猶云默定也。○欲沙汰之 沙汰。擇也。晉孫綽

傳云。沙之汰之。瓦礫在後。○足以沮勸 足以阻惡。勸

善。○韓盧宋鵲 並良犬名。韓宋繫國也。

王戎年七歲時嘗與諸小兒遊。句曠者道邊李樹。有子板

折。曠視之甚也。字以屬目。折與磬折之折義同。若子衆

而枝為之板折也。



司空顧和。與時賢共清言章。○神情如不相屬。二兒于時聞其清言。而如不屬其意。○瞑於燈下。瞑與眠通。張玄之。顧敷章。○張頗不厭。厭足也。謂不若愛顧敷之深也。○般泥洹像。般音鉢。泥洹。卽涅槃也。釋氏謂死爲涅槃。涅槃梵語也。華言示寂。

註僉然不樂。郁伊交涕。僉。一本作默。郁伊。流涕貌。

孫齊由齊莊章。○公問齊由何字。本當云問潛。而云

問齊由。此記者之辭。猶左傳稱桓公自莒先入也。

註監君次子也。孫盛晚年爲秘書監。故稱監君。

王子敬數歲時章。○南風不競。見坐南方者。有負勢

也。○遠愧荀奉倩。近愧劉真長。此二人之外。不足復畏。

韓康伯數歲章。○止得襦。襦。短衣也。

簡文崩章。○立至暝不臨。暝。夜也。臨。哭也。

桓宣武薨章。○與送故文武別。與送己文官武官別

此皆溫之故吏。故稱故文武。○鞠愛。鞠。養也。

王養年數歲時章

註謝有覽舉。謝覽弟舉。俱預元會。江淹一見。並皆歛

挹。曰。此可謂馭二龍于長途耳。

蘓頰年五歲章。○常過其父。常讀爲嘗。○依依漢陰

依依。柳葉初生柔弱貌。詩云。楊柳依依。○因易其韻。

字雖異音同。故易其韻。

註長安中。長安。則天年號。○在禁筦。筦。籥也。必所

由處。故云禁筦。

嚴挺之薄妻而愛其子武章。○未嘗慤省。未嘗慤省於

母。○寢陋。貌不揚曰寢。○卽懷汝。懷。妊也。○左右抵

言。抵。抵賴也。漢田延年傳云。延年抵曰。無有是事。是也。

此左右爲武抵言也。

開元間。悉召能言佛道孔子者章。○詞辯注射。注屬

矢於弦也。言如注矢弦射也。○固應耳。固應然耳。○泌

逡巡曰。逡巡卻退貌。

岳柱年八歲時章。○手中金釧。釧臂環也。

豪爽

趙溫居常嘆曰。居語助辭。

王大將軍少時。舊有田舍名。謂不文雅也。○揚槌奮擊

槌。枹也。

王大將軍始欲下都云云。敦爵位隆重。專任闡外。手控

強兵。羣從貴顯。威權無比。遂欲專制朝廷。有問鼎之心。然

畏祖狄。不敢發。欲下都。欲率衆內向焉。蓋以它事爲名也。

○催攝回去。攝引持也。攝回。言攝致之也。

桓宣武平蜀章。○加爾日音調英發。爾日。當日也。

桓公讀高士傳章。○溪刻。按莊子云。室無空虛。則婦

姑勃谿。注谿。反戾也。與此溪義同。彼言婦姑相反。此言

反戾於人情也。刻。覈也。

王世將高朗豪率章。○迅風飛颿。颿帆同。○爲復識

事。復扶又反。

桓宣武與殷劉談章。○黃皮袴褶。騎服也。○舞稍數

回。稍。馬上所持矛也。

王右軍爲會稽內史章。○悉以乞謝公。凡與人物亦

曰乞。

陳林道在西岸章。○欲共言折。言折。卽議論也。

註爲許貢客射破其面。先是孫策殺吳郡太守許貢。

貢客爲復讎。

桓石虔司空豁之長庶也章 ○從征枋頭枋頭地名

○車騎沖沒陳 沖當作冲桓冲豁之弟也為符健所圍

○以名斷瘡 取其鎮惡

王司州在謝公坐章 ○入不言云云 離騷之意司命

之神已降其入不言出亦不辭乘風載雲離合不常也

桓玄西下章 ○事形已濟 篡位事形已成○在平乘

上 平乘坐乘車也謂之安車古者惟王后有安車自漢

以來乘輿乃有之

宗元幹小時章 ○願乘長風破萬里波 欲橫行乎四

海也

李永和杜門却掃章

註在明經 選在明經科

裴寬罷郡西歸章 ○登舟奴婢偃蹇者輒鞭之 但登

裴之舟也奴婢裴之奴婢也偃蹇驕敖也

李白登華山落鴈峯章 ○想通帝坐 帝坐天五帝座

也○謝眺驚人詩 太白托自謂也○問青天爾 此太

史公藏之名山還之造化之意此意不可與人道故云問

青天

滕達道微時章

註樂羊無功云云 樂羊伐中山即墨大夫不事君左

右事並見于說苑

蘓子美豪放不羈章 ○太白 本罰爵名大爵也○有

如此下物 下物下酒之物俗謂殺羞為下酒是也下去

聲

誣拱辰廉得之 廉得廉問得知其事也廉側隅也從

側而問漸及本事謂之廉問○坐自盜 律有監守自

漢書也入後錄

盜罪名。○除名。謂除其品職吏名。其役與民同也。

容止

魏明帝使后弟毛曾章。○蒹葭倚玉樹。玄朗朗如日

月入懷。故喻玉樹。蒹葭。微物也。故並坐云蒹葭倚玉樹。

註曾說形於色。曾當作不。玄耻之。不悅之色形於面。

故明帝恨之。

何平叔美姿儀章

註晏性自喜。自喜。謂喜修飾姿儀也。

劉李和。嘗言荀令君章

註其在臺閣。臺閣。尚書臺也。亦謂之中臺。後漢。眾務

悉歸尚書。三公但受成事而已。尚書令。主尚書曹。奏下

眾事而為臺主。○嘗上厠還。嘗讀為常。○為我如何

令君。以我為如何令君。○惡我愛我也。愛我。嘗作

愛香

時人目夏侯太初章。○積唐如玉山之將崩。積與頽

同。廢也。唐與蕩通。言容貌頽然搖蕩。如玉山之將崩。蓋謂

肥大偉長也。

註上問安國所在。降人以豐對。而豐已更名。故問其

所在。

嵇康身長七尺八寸章。○蕭蕭蕭蕭。蕭蕭。蕭散也。安

間之意。蕭蕭。嚴整之貌。○傀俄。德偉也。俄與莪通。傾貌。

裴令公目王安豐。眼爛爛如巖下電。爛爛。明也。

潘岳妙有姿容章。○連手共縈之。縈。繞也。○共亂唾

之。不啻婦人不縈也。還是羣嫗亂唾之。○委頓而返。

按左傳云。甲兵不頓。孔疏云。頓。謂挫傷折壞。今俗語委頓

是也。

裴令公有雋容姿。雋，俊雅也。○聞王使至，聞王衍舍命而至。○精神挺動，挺動，不沈靜也。此所以體中故小惡也。

劉伶身長六尺，貌甚醜，頽頽也。○悠悠忽忽，忽忽，不省事也。

陸士龍好笑，嘗著縗幘上船。縗，喪服也。

驃騎王武子，是衛玠之舅，章章也。○覺我形穢，王濟雖雋爽，有風姿，不及玠之風神秀異，共坐如珠玉在側。

註與外生共坐。外生，謂甥。

周伯仁道桓茂倫，嶽崎歷落。嶽崎，聳立貌。歷落，魁礪貌。此本石之貌。蓋謂其無文飾而樸樸也。○可笑人，固可笑之人也。

庾子嵩長不滿七尺，章章也。○積然自教，言無儀飾也。

周侯諡王長史父。說音悅。○雅懷有槩，槩，節槩也。謂操介。○保而用之，保，保任也。○可作諸許物也。官職莫所不可。

祖士少見衛君長章。○旄仗下形，旄，羽旄也。仗，劔戟總稱。旄仗下形，謂勇武也。

庾大尉在武昌章。○函道中，函道，自堂至樓間道也。○唯丘壑獨存，謂忘身在勢位也。亮嘗有丘壑志，故人

以謝鯤方亮，謝云：一丘一壑，自謂過之。

劉尹道桓公章。○如反猬皮，猬，毛有刺。如栗房反，毛反，張也。

王敬倫風姿似父，章章也。○固自有毛，按宋武帝亦嗟賞謝超宗曰：殊有鳳毛。然鳳文名未聞，應是係于靈運而

言。桓溫賞王劭似父，曰有鳳毛，則此稱舊矣。世謂鳳毛稱

出於超宗。而不知本出於王劭也。蓋武帝本于此。而因適其父名。特舉稱耳。

林公道王長史章。○軒軒韶與。軒軒自得貌。韶和暢也。

註王文開那生如馨兒。文開父訥字也。

時人目王右軍章。○矯若驚龍。矯。矯首之狀。

或以方謝仁祖不乃重者。有以方謝仁祖不為重者。

註挈脚枕琵琶。挈。懸持也。蓋謂臥而自挈其脚也。

簡文作相王時章。○公亦萬夫之望。公斥桓溫也。○

何得自沒。自沒言因相王桓公在。謝安有而如無。

海西時。廢帝奕降為海西公。

謝車騎道謝公。遊肆復無乃高唱。陸士衡連珠云。絕節

高唱。非凡耳所悲。○顧睐。睐。傍視也。

謝公云見林公章。○稜稜露其爽。稜稜。有廉隅也。爽

爽氣也。

有人歎王恭形茂者。茂。豐盛也。○濯濯。新清貌。如水

之浣物。

謝晦美風姿章。○常與晦同在宋武帝前。常與嘗通。

有人詰謝益壽言章。○見一客殊毛。殊毛。謂須眉髮

髮皆魁偉也。

梁武平建鄴章。○芳蘭竟體。舉體如蘭。無所不芬芳。

李密目瞳子正方章。○左仗下。殿下兵衛曰仗。左右

並列。

朱泚之亂章。○如甘草者不疑。此特必非人奴也。

自新

周處年少時章。○遭跡虎。邪足虎。其跡遭轉。○實冀

三橫唯餘其一。一謂周處也。初未嘗望於處之死。○皆

謂已死。謂處亦死。○更相慶。謂三橫皆除。故更相慶

○年已蹉跎。蹉跎。失時也。

註吾授命之日也。是吾見授命之日也。

戴淵少時遊俠章。○赴假還洛。假。休假也。○作筆薦

焉。筆其才能以薦之也。

註繁弱登御。然後高墉之功顯。繁弱。夏后氏之良弓

名。易云。射隼高墉。○孤竹在肆。周禮。孤竹之管。於圓

丘奏之。鄭玄云。孤竹管。以竹特生者為之。肆。列也。○井

渫之潔。易云。井渫不食。渫。治井不停污也。○結軌騏

騶。軌。轍也。騏騶並駿馬。此喻朝廷御之。大有所為也。

○枯岸之民。果於輸珠。淵含珠。岸不枯。枯岸。謂採盡

珠也。孟嘗嘗為合浦太守。郡境舊採珠。以易米食。先時

二千石貪穢。使民採珠。積以自入。珠忽失去。合浦無珠。

餓死盈路。孟嘗行教化一年。而珠復還。果不疑也。輸。採

以輸之也。此言明形則庸民亦能識珠也。○潤山之客。

烈於貢玉。玉所在。山必潤。潤山之客。謂卞和也。和再

刖而猶獻之。故云烈於貢玉。此言暗形則識者難辨也。

齊高帝有故吏竺景秀章。○飲灰洗胃。灰汁能去垢。

張延符少不拘檢章。○鬱為名士。鬱。秀茂貌。

企羨。

郭林宗遊京師章。○薄笨車。笨。麤也。○眇若松喬之

在霄漢。喬。上竦也。

王丞相拜司空章。○作兩髻。著巾幘也。○阿龍超。

超。超于眾也。

王丞相過江章。○何須復爾。何須復為此事。

孟昶未達時章 ○被鶴髦裘 折鶴羽爲裘謂之鶴髦裘

註有志局 其才有所見而可志局。

王曇首年十四五便歌章 ○作兩丸髻 分髮左右各作一丸髻也。

註幼有素尚 質素高尚。

張新安與顏光祿延之鄰居 顏延之字延年孝武時加金紫光祿大夫。

崔瞻才學風流章

註魏孝靜 東魏孝靜帝。

仲長子光隱北渚章

註懸解人也 懸絕也解脫也○劍書老易二字以示

劍書以劍畫也。

關立本善畫章

註六法 一曰氣韻生動二曰骨力用筆三曰應物象形四曰隨類賦彩五曰經營位置六曰傳移模寫○顧

陸 顧愷之陸探微。

蘇司業每謂當時名士章 ○識元紫芝 爲元紫芝所

識元德秀字紫芝天寶中任魯山令天下重其行稱元魯山房瑄嘆曰見紫芝眉宇使人多利之心都盡。

傷逝。

龔勝死章 ○薰以香自燒膏以明自煎 此二句言其自潔而死○非吾徒也 譏其不隱而見知。

陳蕃竇武章 ○人之云亡云云 夫雅瞻卬詩辭○瞻

鳥爰止云云 小雅正月詩辭此言國將亡不知天命歸於何所富人之屋鳥所集也以喻民歸於有德人也。



註以經行著稱。經行，經術德行也。○會甫等共劫太后。中常侍曹節、王甫等也。

范巨卿與張元伯為友章。○屣履而呼曰。屣與躡同。曳也。○當以爾時葬。爾時，猶云某時也。○子未我忘，豈能相及。豈，欲辭謝承後漢書云：元伯卒，巨卿夢見元伯死當葬，曰：子不我忘，當奔葬。巨卿往赴之。

註二人告歸鄉里。告，休暇也。○當為爾醞酒。醞，釀也。○以尸埋巨卿戶前。謂假埋尸巨卿家左側。

孔北海與蔡中郎素厚章。○雖無老成人云云。大雅蕩辭，此以貌類，喻且有典刑也。

王濬冲為尚書令章。○輶車。四向遠望之車。○亦預其末。亦預在其末列。

註以士為隨。隨讀與射堞之堞。○忽有此論。即

王戎經酒壚下事。衛洗馬以永嘉六年喪章。○丞相王公教曰。諭告之詞曰教。

顧彥先平生好琴章。○不執孝子手而出。在父喪曰孝子。

庾文康亡章。○使人情何能已已。已止也。下已語終辭。註許賽車下牛。報祭曰賽。○白馬牽旒車。此死徵也。

王長史病篤章。註友于之愛。謂兄弟之愛。書云：友于兄弟。

支道林喪法度之後章。○冥契。心情暗符合曰冥契。註莫景之間。莫與暮通。

戴公見林法師墓。○拱木已積。謂經年也。拱木出於

左傳。

王東亭與謝公交惡章 ○道欲哭謝公。道言也。

羊孚年三十一卒章 ○賢從情所信寄。羊孚是欣之

從兄弟。故稱賢從。桓言此人我情所信寄者。

孝武山陵夕 ○謂孝武崩。○雖榱桷惟新云云 言雖宮

室新麗。而有荒廢之哀象。黍離詩。閔宗周也。周大夫行役

至于宗周。過故宗廟宮室。盡為黍黍。閔周室之顛覆。彷徨

不忍去。而作是詩也。

王子猷子敬俱病篤章 ○語時了不悲。語去聲。告也。

註子敬疾屬續。續。新綿易動搖者。置之口鼻上。以候

絕氣。○位亦通塞。彼通我塞。

范蔚宗既被繫章 ○送令出詩賦美句 出。謂撰出嘗

所作詩賦美句。以書之也。

梁簡文為候景幽繫章 ○風雨如晦。鷄鳴不已。或風

雨。或晦。暝。如鷄鳴不已。

崔浩誅後章

註浩作國書。○國書。元魏史記也。初魏太祖命尚書鄧

淵撰國記十餘卷。未成而止。世祖更命崔浩與中書侍

郎鄧穎續成之。為國書三十卷。皆實錄也。○經一時而

止。一時。三月也。

咸陽王窮極驕奢章 ○簡嫖以姿其情 簡嫖。擇聘也。

雷宣徽頗涉道書章 ○枝劔討叛 懸劔腰間。譬諸幹

之有枝。

棲逸

王君公遭亂不去章 ○避世墻東 不必深山幽谷。

蔣元卿舍中三徑 詡幽居開三徑。陶淵明亦嘗慕之。

世說新語補解 卷一  
向子平讀易章 ○吾已知富不如貧云云 損之爲卦  
損下益上。非无益于上。究將上下交受其損。剥下奉上。危  
之道也。是富之不如貧也。益之爲卦。損上益下。非无損于  
上。究將上下交受其益。以貴下賤。安之道也。是貴之不如  
賤也。至如謂生不如死。則漸入老莊矣。列子以死爲歸。是  
已。

註易損卦曰云云 此並節三卦彖辭。○如有不取也。  
舉措必於中和 或有不取。處置之必於中和。亦不忤  
其情也。

阮步兵嘯章 ○佻然不應 佻然。壯持不爲之動也。○  
嗷然有聲 嗷然。遙聞貌。

註脩然曾不眴之。 脩本羽敝貌。此蓋喻不整貌儀也。

○沒不周西。 不周。山名。在昆侖山西。

李欽是茂曾第五子章 ○以一爵假人 假如假道於  
虞之假。爵猶屈產之乘也。人猶道也。

阮光祿在東山章

註志存肥遁。 遁與遯通。易遯上九云。肥遯无不利。象  
曰。肥遯无不利。无所疑也。王弼注云。超然絕志。心无疑  
顧。憂患不能累。矰繳不能及。淮南子。遯而能飛。吉孰大  
焉。張平子思玄賦。欲飛遯以保名。曹子建七啓。飛遯離  
俗。是皆以肥爲飛。揚用修云。古文肥作𦉰字。或誤作𦉰。  
遂有飛遯之說。然上九有飛象。處到極地而欲遯。不飛  
何適從。飛爲是。漢世拒古未遠。其所傳必有所承。○蜀  
莊沈寔。蜀嚴君平也。蓋遵本姓莊。後漢時。避諱稱嚴  
耳。故有嚴沈寔稱。  
何驃騎弟章 ○何必減驃騎 言名望不假爵位也。

註散帶衡門○散帶東帶之反。此蓋謂布衣之服。

南陽劉麟之高率。高率高尚真率也。○訐謨之益。詩

大雅云。訐謨定命。訐大也。大謀謂不計一身。有天下之慮

也。○比至上明亦盡。上明地名。在江陵。桓冲上疏。移鎮

上明。即此也。時冲屯上明。○與村人共云云。有則與之。

無則乞之。

註去道斥近。按晉書本傳。係在官道之側。斥。開拓也。

蓋去官道。開地而居。與官道相近。故人士往來。必投其

家。南陽翟道淵章。○萬年可死。今見少孤賢如此。

註篤行任素。任。誠篤也。

孟萬年及弟少孤章。○萬年可死。今見少孤賢如此。

萬年不足愛惜。

註相府歷年虛位。欲必辟也。○澹然無悶。澹恬也。

易云。遯世无悶。

康僧淵在預章章。○希心理味。欲心味名理。○加已

處之怡然。加已。謂人來陵已也。○後不堪遂出。不堪

間居也。

戴安道既厲操東山章。○式遏之功。式遏徂旅。遏與

按通。詩以按徂旅。孟子作遏。○不官不堪其憂。一簞食

一瓢飲。在陋巷。我不堪其憂。故欲取封侯。

許掾好遊山水章。○勝情。好景勝情。

和尚書與謝居士善章。○藩于王室。伯于諸侯。○時人憂之。憂

戴或死也。○吳中高士云云。吳中高士。謂戴也。求死

不得。言少微之驗。在謝而不在戴也。

郭元瑜少有拔俗之韵。韵。風度也。

註虛左授綬。駕車御者居右。尊者居左。

陶徵士嘗言章。○羲皇上人。羲皇伏羲也。此言如太古無為時人也。

宗少文好山水章。○尚平之志。即向子平。讀損益卦。敎家人云。當如我已死。入山不知所終。

孔淳之居會稽剡溪章。○遂停三歲。停。行中止也。

江湛舉王景玄章。○天爵猶滅名。孟子云。有天爵者。

有人爵者。仁義忠信。樂善不倦。此天爵也。公卿大夫。此人

爵也。今有此德。而生此名。是天爵致名也。而名殺身。則天

爵猶欲滅之。安用人爵哉。吏部郎是次爵也。○其舉可陋

云云。吾既滅天爵。人必謂其舉可陋。其事不經矣。至僕

妾皆笑之。此書牘中語。言我為人如此。不可以官也。

庾泉之清素自業章。○菹菹菹菹。菹。淹菜也。按字書

無菹字。當作淪。淪。煮也。○食鮭常有二十七種。吳人鮭

為魚菜總稱。菹音九。故指三菹為二十七種。

註善於音吐。音吐。辭令也。唐蘆鈞。音吐。鴻暢。房琯辭

吐華暢。是也。

王弘之性好釣魚章

註會境既豐山水。會境。會稽之境也。○纂戎先業。

纂與續通。戎大也。言續先人之業。而大之也。詩大雅云。

續戎祖考。○遠同義唐。伏羲唐堯。言同上古無為也。

○每意昔聞。憶昔賢也。○虛想巖穴。雖想巖穴之

士。未得接也。○有以相存。存。存問也。

陶貞白幼有異操章。○不為遠矣。即當致身也。

王沙彌母終後章

註有風則言風佚可則。○四顧可挹。挹與揖同。言皆有趣可應接也。

王無功有田四十六頃章。○自課種黍。課計也。

朱桃推隱居不仕章。○芒屨。屨草履也。用稻芒織之。

顏真卿為湖州刺史章。

註合浮玉山水。浮玉山名。在碧浪湖中。不以水盈縮

為出沒。故名浮玉。○四水為一溪云云。雪溪。四水所

會處。相激雪然有聲。故以名焉。為二說。非是。

林逋隱居孤山章。

註草泥行郭索。木叫鉤輶。郭索。蟹行聲。或為蟹名

非是。鷓鴣自呼鉤輶。

蘇養直隱京口章。

註屬玉雙飛水滿塘。屬玉鳥名。似鴨而大。長頸赤目。

紫紺色。

賢媛

樂羊子嘗行路章。○嗟來之食。嗟來。雖閔而呼之。非

敬辭也。嗟。傷嘆之聲。

註有蒙袂戢屨云云。蒙袂。不欲見人也。戢。斂也。一作

輯。斂屨。力憊不能屨也。質質。目不明貌。

陳嬰者。東陽人章。

註嬰母見之。見當作止。

曹公問蔡文姬章。○家先。斥文姬之亡父。○賜書四

千詩卷。父賜文姬也。○流離塗炭。塗。泥也。炭。火也。

魏武章崩章。○太后入戶。即卞后也。○正伏魄時過。

譬先帝崩。嗣子將立之際。蓋謂文帝為太子。在喪時也。

竟不臨。臨。去聲。哭也。

許允為吏部郎章 ○舉爾所知 此命吏部時詔誥文

註年限在後日限在前 朝廷文書先至于彼譬如其  
文書云文書至日即行之若据日限則先於其限是日  
限在前也若据年限則後於文書是年限在後也

許允為晉景王所誅 景王即景帝也 ○率曾懷與語  
但須率汝之曾懷而與之語莫復用意 ○會止便止 會  
鍾會也言會之來看必慰汝父死是時不須極哀會止汝  
亦須便止

註初領軍 領軍謂許允 ○允欲往見大將軍 大將  
軍即景王也 ○滅魏徙邊道死 世說以為允為景王  
所誅魏畧以為徙邊道死又一說也 下文引魏氏春秋

以為文帝幽殺之亦一說也  
王公淵娶諸葛誕女章 ○不似公休 公休誕之字 ○  
不能仿佛彥雲 彥雲王凌之字

王經少貧苦章 ○此可以止乎 可止於此勿欲復進  
○為臣則忠 助魏不忠於晉是也

註初曹髦將自討司馬昭 曹髦高貴鄉公之名 ○以  
此并命 就刑曰就命母子並就命故云并命  
山公與嵇阮一面章 ○觀狐趙 狐偃趙衰並從文公

亡  
註箸忘言之契 意氣相投曰忘言之契莊子云言者  
所以在意得意而忘言

賈充前婦章 ○卿往不如不去 往不如不往 ○語卿  
道何物 語去聲道言也我告卿言何物乎豈不為此耶  
李平陽秦州子 李重字茂曹江夏人自本國中正累遷

至廷尉平再遷中書郎處要職後出為平陽太守 ○滅李

重者。樂廣勢位減於李重。○重看之色動。使者色動也。有欲收色。○了其意。重了女意。

周浚作安東時章。○得方幅齒遇。齒並也。言凡爲李

氏親族者並得寵遇也。劉云方幅者四面看得一樣是也。

王汝南少無婚章。○未嘗忤觀。忤逆也。

王渾妻鍾氏章。○其地可遺。誠是才儁耶。門地不必

論。○然地寒不有長年。門寒身素無世祚之資。

王司徒婦章。○太傅曾孫。太傅鍾繇也。○鍾郝爲娣

姒。郝氏郝普女。王湛妻。○鍾夫人。王渾妻。琰之

陶公少有大志章。○素知名。范素知陶名。○室如縣

磬。按左傳磬作罄。古文通用。杜注如而也。言居室而資

糧縣盡。○下爲二髮。下半截爲二鬢。

註時豫章顧榮云云。王云顧榮下有刊落。愚按豫章

下有刊落。晉書侃傳云。夔察侃爲孝廉。除郎中。時豫章

國郎中令楊暉。侃州里也。侃詣之。與同乘。見中書郎顧

榮。榮甚奇之。吏部郎溫雅。謂暉曰。奈何與小人共載。暉

曰。此人非凡器也。此引晉陽秋作羊暉。晉書作楊暉。未

知孰是。

陶公少時作魚梁吏章。○坵。坵。坵。土器也。大受五升。

鯁。藏魚也。魚醢之大鬻者。

庾玉臺希之弟也章。○塔。塔。塔。故自急。溫托言避國家嫌

疑。其以塔故。特急之耳。

謹。唯固三陽。限三陽。謂暨陽山陽東陽也。○弟柔倩

柔。冰季子。倩。柔兄也。

王右軍郝夫人章。○傾筐倒度。度。閣板爲之。所以藏

食物也。



韓康伯母。隱古几毀壞章。

註母之外孫也。卞範之是韓康伯母之外孫也。

王江州夫人。卽謝道韞。喻雪柳絮者。○天分有限。

知天分有限。則不必徇于塵務。為分。並去聲。

王江州為孫恩所害章。○慷慨流連。流連。垂涕貌。○

親從凋亡。親從。謝氏諸從兄弟。

註少登清宦。職慢位顯曰清。

謝遏絕重其姊章。○有濟尼者。濟尼名也。

王尚書惠嘗看王右軍夫人章。○那可便與人隔。若

眼不見。耳不聞。便是與人間隔絕也。

韓康伯母殷。隨繪之。之。衡陽章。○見此豎二世作賊。

此豎。斥桓玄。與桓溫二世也。言此以兼箴卞也。○徵書朝

至夕發云云。昔韓伯之罷豫章也。徵書朝至夕發。其趨于

事如此。急竟以善終。汝為物不得動。遂及於難。故云夫復

何言。

宋明帝嘗於宮內大集章。○外舍家寒乞。外舍家。對

宮禁而言。謂庶人家也。通鑑註寒乞。猶言窮陋也。蓋俗罵

人。曰酸寒乞兒。是也。

註太宗卽位。太宗卽明帝。

肅宗宴於宮中章。

註降柳潭。降嫁于柳潭。

元杲得罪章。○二十年太原節度使女。處于父母家

二十七年。○十六年宰相妻。嫁于元載。十六年而載伏法。

隋時有內史納言官。卽中書令侍中也。是為宰相。至唐。謂

中書令為宰相。○誰能書得長信昭陽之事。欲備彤管。

設云書得舉此二宮。總謂宮中也。

世說新語補遺 卷下

張平子作地動儀章 ○旁行八道。行音杭。列也。○設  
蟾蜍承之。張口承之。

蔡中郎在陳留章 ○以樂召我。樂音洛。○莫不憮然。  
主人莫不憮然。憮然怪愕之貌。

蔡文姬年六歲時章 ○季札觀吳。吳當作樂。○識南  
風之不競。師曠字子野。晉之樂師也。晉人聞有楚師。師

曠曰不害。吾驟歌北風。又歌南風。南風不競。多死聲。楚必  
無功。既而楚師多凍。役徒幾盡。○何足不知。何足以為

難知。

註始基之矣。周南召南。王化之基。○猶耒也。商紂  
未滅也。○勤而不怨。服事殷也。○淵乎。深也。○思

而不懼。宗周隕滅。故憂思。先王遺風未滅。故不懼。○  
泱泱乎。大風也哉。泱泱。弘大之聲。大風。大國之風也。

○國未可量也。或將復興也。○蕩乎。寬大也。○周  
公之東乎。周公遭變居東。○夏聲。諸夏之聲也。秦

本在西戎。秦仲始有車馬禮樂。去戎狄之音。而有諸夏  
之聲。○其周之舊乎。至秦襄公。佐平王東遷。受其故

地。故云周之舊。○泯泯乎。中庸之聲也。○大而婉。  
弘大而婉約也。○險而易行。杜預云。險當作儉。○國

無主。淫亂放蕩。無所畏忌。故云國無主。○猶有先王  
之遺民焉。○言文武之遺民也。杜註非是。○熙熙乎

和樂也。○曲而有直體。以聲論其體也。○適而不偏。  
而有退讓也。○遷而不淫。遷動者。淫蕩之漸。雖有遷

動。而以德自守。不至於淫蕩。○復而不厭。常日新。○  
用而不匱。德弘大也。○廣而不宣。宣。揚顯也。○施

而不費。因民之所利而利之。以此為施。何費之有。○  
 處而不底。底。滯也。以道自守。雖止處而不滯也。○行  
 而不流。雖常運行而不流放。○五聲和云云。言八  
 音莫相奪倫也。○盛德之所同也。頌有商魯。故曰盛  
 德之所同。○象箭南籥。象箭。武舞所執。南籥。文舞所  
 執。○猶有憾。文王未致太平也。○大武。武王樂也。  
 ○韶。殷湯樂也。○有慚德。慙於始伐。○大夏。  
 禹之樂。○勤而不德。盡力於溝洫也。○韶箭。舜樂  
 也。○觀止矣。所請觀樂止於此矣。○通嗣君也。通  
 告吳君。嗣立于諸侯也。○說晏平仲。說音悅。下皆同。  
 ○縞帶。大帶也。吳地貴縞。故以縞為之。○獻紵衣馬  
 鄭地貴紵。故贈紵衣。○說蘧瑗。蘧伯玉。○將宿于  
 戚。戚。孫文子邑也。時文子得罪於君在此。○辯而不  
 德。辯爭也。○必加於戮。刑戮加于身。○懼猶不足

雖懼猶不足免。○君又在殯。衛獻公卒未葬。○萃  
 于三族乎。三族。趙韓魏也。○君侈而多良。君侈而  
 自賢也。○政將在家。富則厚施。民歸之。故政將在大  
 王夫家。

管公明過清河章 ○至日向暮 至於日將暮也

蒲元性多奇思章 ○不任淬用 淬。劍燒而入水也。○

應手虛落。虛落。無敵之辭。

荀勗善解音聲章 ○闇解 不知法度而暗合曰闇解。

○心謂之不調。阮心以為不調。

註晉後畧曰云云 晉後畧以荀勗為合古律。此又一

說也。○以律命之 以荀所鑄律管命之。○不叩而應。

不叩而知其聲也。○古今尺有長短所致。以上阮



巾角拂之。文帝不能及也。此令尤不可解矣。○用妝奩戲  
妝當作妝。蓋其始。但妝奩蓋爲局耳。後以玉石爲之。亦  
豐腹隆中。象奩蓋狀也。○用手巾角拂之。不用指擊用  
手中角拂。故稱特妙。○妙踰於帝。以手中拂。難於用指。  
然此乘勢拂之。或可中。至低頭。以所冠葛巾拂之。更難於  
用手巾。所以妙踰於帝也。

註漢成帝好蹴鞠云云。沈括筆談曰。西京雜記云。漢  
元帝好蹴鞠。以蹴鞠爲勞。求相類而不勞者。遂爲彈棊  
之戲。予視彈棊。絕不類蹴鞠。頗與擊鞠相近。疑是傳寫  
誤耳。元帝所好。蓋擊鞠也。唐薛嵩好蹴鞠。劉錡勸止之。  
曰。爲樂甚衆。何必乘危邀頃刻之歡。此亦擊鞠也。蹴鞠  
非乘危之戲。唐書誤述以爲蹴鞠。○格五。漢書吾丘  
壽王以善格五。召待詔。師古云。格五。卽今戲之簾也。行

簾法。塞曰乘五。至五格不得行。故云格五。

陵雲臺樓觀精巧章。○無錙銖相負。無相負持也。若

此倚彼力。彼賴此勢者。彼此一廢。則傾倒。無相負持。故雖  
隨風動搖。而無傾倒。○揭臺雖高峻。揭高揚也。

鍾會是荀濟北從舅。母之從父昆弟曰從舅。○鍾兄弟。  
毓會。○太傅形象。太傅鍾繇。

註於劔閣。要鄧文章表云云。要。遮也。言遮奪其章表。

學鄧書。約其言。倨傲其文。矜伐其事。換以奏之。按鍾會  
鄧艾。並仕魏。艾自尚書。累遷鎮西將軍。都督隴右諸軍  
事。會爲鎮西將軍。景元中。與艾大舉伐蜀。會有異志。艾  
爲會所構。死于蜀。

戴安道中年。畫行像甚精妙。行像所行人物。

顧長康畫裴叔則章。○殊勝未安時。安。益三毛也。

顧長康畫人章。○傳神寫照。畫人之形神。以傳於後世。是傳神也。寫照。寫其樣也。○阿堵中。阿堵。猶云那箇。顧長康好寫起人形章。○不煩爾。爾耳通。下眼爾同。○明點童子。童瞳通。○飛白拂其上。以飛白書法拂之也。飛白。始於蔡邕。邕見匠施聖帝作之。字體輕微不滿。王中郎以圍碁是坐隱章。

註方幅會戲。方幅。四方白紙一幅。界畫以爲碁局也。羊敬元少便靜默章。○夏月入縣。獻之入烏程縣。

註師資大令。王獻之爲中書令。後王珉代獻之爲中書令。二人素齊名。時謂獻之爲大令。○雲塵之遠。道出俗也。○步驟之近。譬如步與驟也。○械若嚴霜之林。械。葉落枝空貌。○王之蓋臣。蓋臣。忠臣也。大雅云。王之蓋臣。此鎔詩句引於王氏。可謂巧裁矣。

玄宗忽思嘉陵江山水意。○臣無粉本。粉本。畫槀也。

### 寵禮

皇甫度遼解官歸鄉章。○屣履出迎。屣。履不蹠跟也。

漢書註。曳之而行。言其遽也。○二千石。太守祿二千石。

○逢掖。戴記儒行註。逢掖。君子有道藝者所衣也。

趙元叔造河南尹羊陟章。○遽忽然。忽。慢忽也。○奔

入滿側。門下人皆驚。乃奔入滿于涉側。

註體貌魁梧。壯大貌。○乃更相其怨酷。相去聲。○

舐痔結駟。莊子曰。宋有曹商者。爲宋王使秦。秦王說

之。益車百乘。見莊子。莊子曰。秦王有病召醫。舐痔者得

車五乘。所治愈下。得車愈多。子豈治其痔乎。何得車之

多也。○正色徒行。正色者。乃徒行。○嫗媯名勢。撫拍

豪強。嫗媯。偃俸也。撫拍。親狎也。○女謁。謂婦人有

寵私薦親戚。○榮納由於閃榆。閃榆。傾佞之貌。言行

傾佞者。則享榮寵。而見納用也。○順風激靡草。激與

激通。幸也。○伊憂北堂上。抗辭倚門邊。伊憂。屈曲佞

媚之貌。抗辭。高亢。直之貌。言佞媚者見親。故昇堂。婢

直者見棄。故倚門。○所困在羣。為羣愚所困。

元帝正會。元帝即正帝位。始會百官。

許玄度停都一月章。○成輕薄京尹。為其九日。十一

詣之故也。

孝武在西堂會章。○此故夫易得。此寵遇故未易得。

○為人作父如此。為人其父如此。

謝萬與太傅共詣簡文章。○無衣幘可前。簡文為相。

聞萬名。召為撫軍從事中郎。此蓋始見召。初未嘗知為官

事。倉卒與謝安共詣耳。不爾。何不具衣幘哉。○履板而前。

板。手板也。笏之屬。言履履執手板而前也。禮侍坐於長

者。屨不上於堂。履板而前。所以為寵禮也。

王孝孫初為護軍府兵士章。○長假。假音價。休假也。

張憑舉孝廉章。○洗濯。洒足也。○長史諸賢。王濛

等。○遣傳教覓張孝廉船。傳。傳車也。○勃宰為理窟。

按說文。窞。穴中卒出也。蓋謂義理勃興而出也。與子虛賦

勃宰殊窟。如月窟之窟。理所生。

謝公為宣武司馬章。○屬門生。屬為寮屬也。○悉用

之。悉為寮屬也。○反違之邪。若不用所屬。是違搢紳

待安石之初志也。

卞範之為丹陽尹章。○移晨達莫。移當為從。○以第

一理期卿。以持論第一期卿。

註元僚。花良僚俸。○度景行泛淥水。淥清也。一云。

度景行若綠水芙蓉。何其麗也。時以儉府為蓮花幕。

柳惔與兄悅小時齊名。柳世隆諸子中。最知名悅與惔。

目云柳氏二龍。一日千里。○恐年少窺人。年少。即謂惔。

兄弟也。窺人。言或尤其無報禮也。

註將為爭府。言若以產業資財貽子孫。子孫不才。將

為爭府。

孔休源為晉安王長史章。

註冲即愉之世父。父昆弟。先生為世父。世有為嫡者。

嗣世統故也。○公卿珥貂。珥貂。謂侍中也。侍中冠。以

貂為飾。珥插也。

李德林每贊平陳之計章。○會以七寶莊嚴公。會。期

辭。言當以七寶莊嚴於公。

韋綬在翰林章。○蜀纈袍。纈。絲也。蜀錦屬。衣有著曰

袍。

註參決於內署。謂決於宦官也。

令狐綯在翰林日章。○乘輿金蓮華炬。蔡邕獨斷云。

天子所御。車馬衣服器械百物。皆曰乘輿。

註宵衣旰食之懷。宵夜旰晚也。○試舉其要。言卿

試須舉其要。

錢文僖守西都章。○遣厨傳歌妓至。厨。行厨也。傳。傳

車也。

註遣告嵩嶽。以詔書并御祝封香祈告也。○讀祝捧

幣。用官二員主之。下文歐陽永叔楊子聰是也。○加

有朋簪談燕之適。易云。朋盍簪。盍。合。簪。聚也。○腰輿

以行。輿。兩旁。幹各四人。用帛勒之。過肩手按。至腰平



行與腰平。○施二青蓋。○嶰岬斗甚。斗峭絕也。○題名蓋十有四處。○五人皆題名于壁于石于樹間。

任誕上

鄭泉臨卒時章

○實獲我心矣。言中我所欲也。

註得無以吾正名不宜乎。正名謂繼于漢統也。○於是自名。自名自以為正名也。

劉伶病酒渴甚章

○以酒為名。

名如師出有名之名。

言天之生劉伶為酒故也。○一飲一斛。十斗為斛。今一

斗三合。此大言耳。○五斗解醒。○但飲五斗可以解酒病。

阮步兵喪母章

○下席於地。

全阮下席也。

註冥外以護內。冥外不較人是非也。護內以儀軌自居也。不較人是非。達意也。以儀軌自居。弘防也。

阮籍嫂嘗還家章

○禮豈為我輩設也。

言禮本為我

輩以下設。達者不必拘禮。

王安豐頽脫不持儀形章

○巴驥馬

馬頽戴星。謂之

驥。此巴蜀所產。故曰巴驥馬。

○三司

太尉。司徒。司空。

阮渾長成

渾籍之子。字長成。蓋仍其字。轉巧以成文。

仲容已預之

阮咸。字仲容。籍之兄子也。與籍等為竹林

遊。故曰預之。

註以致清議。

清去濁除穢之謂。議評也。謂非議也。

阮仲容先幸姑家鮮卑婢

鮮卑婢。胡婢也。鮮卑山名。在

柳州界。東胡依此山。故為號。○人種不可失。欲以此婢

生嗣。故云人種。

山季倫為荊州章

○日莫倒載歸

醉引倒載于車中。

○白接羅

接羅帽也。江東人取白鷺長翰毛為之。名曰

白接羅。

○問葛疆

問疆所在。○并州兒

愛之云兒。

高陽池在襄陽。漢晉郁所鑿池，習氏世居于此。為荆土  
豪族。有佳園池。山簡每出遊池上。置酒輒醉。名曰高陽池。  
襄陽。即荆州都。

桓宣武少家貧章。○居艱。居喪也。○汝故當不辦作  
袁彥道邪。債主言。我將欲作袁彥道之戲術。恐汝當不  
能對辦。辦。與韓信多多益辦之辦。義同。晉書。邪作也。○絕  
叫。叫盧也。○探布帽擲對人。探取向所懷布帽也。對  
人。即債生也。古人有所激。輒擲帽。史記。薄太后以冒絮提  
文帝類。是也。

註我必作采。采。紅點也。○形勢叫袒。自為形勢。叫

盧袒肩。○擲必盧雉。盧雉。皆紅點也。得紅點為勝。

王孝孫早歲喪妻章。○處不安也。時王尼避亂江夏。  
此自嘲住車上。居處不安。亦以喻天下擾亂也。俄而荆土

飢荒。尼不得食。乃殺牛壞車。煮肉噉之。既盡。父子俱餓死。  
任愷。既失權勢章。○拉擲自欲壞。拉敗。擲裂也。

胡母彥國至湘州章。○坐正衙。衙。府廷也。○自貽伊

戚。當暑自苦。故以為自貽戚。詩云。心之憂矣。自貽伊戚。

劉道真少時章。○無可復用相報。無可復報汝之贈遺。

宋禕是石崇妓綠珠弟子。學歌曲吹彈於綠珠者。

張季鷹縱任不拘。縱任其性。而不拘禮節。○江東步兵

比阮籍也。

賀司空入洛赴命章。○初不告家。不告家人。

鴻臚卿孔羣好飲酒章。○不了麴蘖事。言雖得七百

斛秫米。不足了麴蘖事。北人釀酒用秫米。

王長史謝仁祖同為王公掾章。

註旌命所。旌。旌節也。使者銜命所擁節。是也。

温大真位未高時章 ○與輒不競 不競不強也。謂輸

温公喜慢語章 ○大相剖擊 温與下相剖擊也。剖判

擊觸也。○終日無鄙言。雖言鄙穢而無俗事也。

蘇峻亂章 ○蓬蔕覆之。蓬蔕竹席也。○不願名器

名器官位也。左傳云。惟名與器。不可以假人。是也。○餘年

畢矣。餘年之事止於此矣。○且亦達生。人生之事莫

過於此。是達生理也。

王光祿云。酒正使人人自遠。使神情深遠。

桓車騎在荊州章 ○欲寄作鱠。欲寄身船。用此魚作

鱠。○殊不清旨。旨美也。○今正伐荻。所以為薪也。

桓子野每聞清歌章 ○輒喚奈何。奈何通。古今樂錄

云。夷伊那何。皆曲調之遺聲。喚奈何。蓋以應和其聲也。

王劉共在杭南章 ○諸人欲要之。王劉諸人欲邀昭

之。○然已停車。停所遣之車。○重要。董遣信固要。○

裁得脫憤。憤喪憤也。○乃覺未脫衰。衰音崔。

任誕下

王子猷居山陰章

註荒塗橫古今 荒蕪也。橫塞也。言荒廢之塗難踐。古

今皆然。以喻時也。○白雪停陰岡。文選作白雲。為是

桓南郡被召章 ○王大服散。散八石散也。詳見上卷

○不能冷飲。服散後忌冷飲。○犯我家諱。令温酒來

温即玄父之諱。○靈寶故自達。不顧客在。乃流涕嗚咽

故以為達。

註為素官。素空也。非勢要曰素官。○既難重前卻

難重並去聲。前卻猶進退也。卻从卩。从邑。非

羅友作荊州從事章 ○集別。會集飲宴以送別也。○

冒求前耳。冒冒咨事也。

註營署墟肆。營市居也。○君甚不逮。不逮謂無檢束也。○為席起別。設宴送別。○飲道嗜味。好飲于

道上。○大見揶揄。大為鬼所笑揶揄笑貌。一作邪揄。張麟酒後挽歌。挽歌執紼者相和之歌辭。出田廣門人

註有喪而歌者。此譙周設論也。言豈有居喪而歌者乎。○或曰云云。此答譙言也。彼奏樂於喪也。何有不

可乎。○何樂喪之有。何有奏樂於喪之理乎。○春不相。送杵聲也。○引挽人銜枚。挽當作挽。○非始

起於田橫也。然其有歌辭始於田橫。薤露蒿里是也。王孝伯問王大章。○曾中壘塊。壘塊不平也。

王長史登茅山。此長史即伯輿也。○終當情死。此王自謂也。

陶淵明為彭澤令章。○悉令吏種秫稻。欲皆釀酒也。王敬弘為尚書僕射章。○關署文案。關涉也。署簽押

也。文案文卷也。謂涉已署之文案也。○副僕射。上副本于僕射也。

謝康樂因父祖之資章。○自始寧南山。始寧縣在會稽郡。

謝長史性通脫。通不拘也。脫疎畧也。○與車前三騶對飲。騶主駕說者。

陳暄文才俊逸章。註南北司二州刺史。司州漢司隸校尉所部。魏氏始

置司州。後有南北。○冀其諷諫。冀晉諫暄也。○汝欲

天我此志耶。天屈也。○昔阮咸云云。阮脩字宣子。咸從子也。諸阮陳留尉氏人也。昔咸籍同遊竹林。宣子

不論此事志趣同也。今秀規諫叔，故云陳留之風不嗣。  
○太原之氣巋然。王氏望有太原瑯琊，王湛之先出  
于太原。王武子初輕視叔湛，以比秀，故云太原之氣巋  
然。○產不異於顏原，不異顏回，原憲之貧。○鄭玄三  
百盃，袁紹邀玄飲，必欲玄醉。時會者三百人，酣酒之  
後，人人進爵，玄飲至三百盃，秀眉明目，容儀溫偉。○江  
諮議有言。江道字道載，始起會稽太守，歷諮議參軍，  
出爲南郡相。○吾墜車侍中門云云。當時暄有此事。  
○丘也幸云云。暄自比夫子受司敗之毀也。○避南  
征之不復云云。賈誼被謫長沙，長沙極南卑濕地，自  
傷悼以爲不得復也。○何水曹眼不識盃鎗。南齊竟  
陵王遺何默以嵇叔夜酒盃，徐景山酒鎗，何不好飲，不  
識是何物鎗，溫酒器也。

齊神武欲用李元忠爲僕射章

註孔少府豈欺我哉。曹操表制酒禁，少府孔融與操

書云：酒之爲德久矣。古先哲王，類帝禋宗，和神定人，以

濟萬國，非酒莫以也。天垂酒星，地列酒泉，堯不千鍾，無

以建太平。孔非百觚，無以堪上聖云云。

王無功待詔門下省。王績字無功，著杜康廟碑及醉鄉

記。門下省，後漢所謂侍中寺也。唐門下省有侍中、黃門侍

郎給事中、散騎常侍、諫議大夫等主之。

韓朝宗爲山南採訪章。○寘諸周行。周行，朝廷列位

也。見于毛詩周南。○因入奏。奏孟浩舉事。

韓熙載肆情坦率。坦率，卒畧也。○執板挽之。板，拍板

也。

註嘗因隨計。隨上計往也。○入末念酸。入末，謂打

扮其形相。雜劇有正末副末。末為場主。故謂打扮形貌。

為入末念酸。出酸鼻之言也。作乞兒取憐之狀也。

何承裕為監屋咸陽令章。○此見罔也。罔誣罔也。

喻明伸妙於長笛章。○持節數郡。持節奉使也。

註雅善散隸。散隸八分也。法書苑云。自小篆散而八

分生是也。

簡傲簡狂簡之簡

世祖幸子陵館章。○咄咄。驚怪聲也。帝至不出迎接。

入館。忽見臥不起。故云咄咄。○相助為理邪。理治也。

十月朝章。○設黍臠。臠肉羹也。○舉搏以弄戲。搏

搏黍也。儀禮所云。佐食搏黍授祝是也。搏與團通。

註三尺稅杖。稅大杖也。○毀以抵地。抵擲也。○猶

能識之。識音志記也。○死公云等道。死公罵言也。

云等道猶言何勿語也。見于後漢書註。○令五伯將出。

五伯問事官也。○處士不當答之也。言不當答之

乎。○車前馬糞。糞與屁同。

王戎弱冠詣阮籍章。○唯公榮可不與飲酒。劉公榮

嘗飲酒。雜穢非類。人或譏之。答曰。勝公榮者。不可不與飲。

不如公榮者。亦不可不與飲。是公榮輩者。又不可不與飲。

阮翻其一語以調之。

鍾士季精有才理章。○鼓排。排與鞞囊鞞通。韋囊吹

火具也。

嵇康與呂安善章。○安後來。康已出。而後安來也。此

承上文。○猶以為欣故作。作起也。特起謝之。

王平子出為荊州章。○送者傾路。言其眾而欲傾路。謝公嘗與謝萬共出西章。○恐伊不必酬。伊指王恬。

○阿螭不作爾。王云。不作爾。猶今諺云他不作准爾。

王子猷作桓車騎騎兵參軍章。○卿何署。問其所屬

官也。○似是馬曹。曹署局也。如漢時分尚書為四曹。為

常侍曹。為民曹。是也。

王子猷嘗行過吳中章。○在聽事坐相待。古者受事

治事處。謂之聽事。後語省直曰聽。漢晉皆爾。六朝以來。乃

始加广作廳。○猶冀還當通。通。通名刺也。

謝萬北征章。○因欲除之。欲歸罪于萬也。○當為隱

士故。為去聲。故字絕句。隱如孟子。隱其無罪。而就死地

之隱。萬之北征也。先遣征虜將軍劉建。修馬頭城池。自率

衆入渦潁。以援洛陽。北中郎將却曇。以疾退。還彭城。萬以

為賊盛致退。便引軍還。衆遂潰散。狼狽單歸。謝安回護言。

謬以為賊盛。引軍還。遂致敗。然本是為隱士之就死地。故

耳。○幸而得免。萬廢免為庶人。

王敬弘嘗往何氏看女。敬弘候問己女也。

高爽嘗經晉陵。詣劉禧。禧時為晉陵令。

劉猷謙率通美章。○主人未通。未謝臨貺也。

崔瞻在御史臺。恒於宅中送食。自己家送食也。

註射者皆散。毅之親故皆散。○義熙中。故奪悅豫章。

初毅之求鶩。隆安年間事也。至於此毅始得志。故以

報焉。

柳季雲性不拘檢章

註柳玄達。季雲之父也。○何氏不詳。何氏語林。作

裴季雲。因附在裴叔業傳中而誤。

孫騰司馬子如章。○擁被對壺。壺。酒壺也。不意今

日披蓊藿也。史記。陶朱公遣長子。為一封書。遺故所善

世說新語補遺 卷下

莊生。莊生家負郭。披藜藿到門。居甚貧。蓋貧人宅。周圍種  
藜藿。以給朝夕。故謝詣貧居。曰披藜藿也。此本於史記。  
許敬宗見人多忘之章。

註任彥昇工於筆。南朝人。謂文爲筆。簡文云。詩旣如  
此。筆又如之。謂文也。

杜審言將死章。○固大慰。爲公等固大慰。

註見吾判。判。判文也。○衙官。參官也。

南唐嚴續章。○仍輟一歌鬢。龍龕手鑑云。輟。謂惠他

也。蓋輟已惠人也。○續慊之。慊。不滿于意也。

郭恕先時與役夫小民章。○皆子類也。以在朝君子。

比役夫小民。

曾子固爲中書舍人章。○都堂。都察院也。

註太史遷下贊語中。司馬遷始皇贊。○此贊賈誼過

秦篇云。此贊全迹過秦篇。○將見問意開寤耶。會

因問之。而開寤耶。○非誼士也。○帝言遷譏刺朝廷。非

義士也。○賢遷遠矣。○相如賢於遷相去遠矣。自司馬

遷著書至此。皆詔文也。所謂聖論是也。○刻誦聖論。

刻。覈也。○被學最舊。爲學官最久。○昊天罔極。天

子之恩。如昊天無極也。○不勝區區。區區。小也。○雖

不足雍容明盛。雍容。美也。

米元章守漣水章。○因往廉焉。廉。察也。

註尤工臨移。臨移。臨寫也。○袍笏。袍。朝衣也。

排調上

諸葛瑾爲豫州章。○語云。瑾語別駕也。語去聲。○卿

可與語。時瑾之家眷皆在都。○豫州亂矣。其意謂別

駕不才。豫州必亂矣。○君明臣賢。君謂瑾。臣自謂也。○



唐堯在上。四凶在下。言雖君明乎。不無亂臣也。

註發藻岐嶷。發藻發言有文也。岐嶷幼而有知識也。

五官將既納表熙妻章

註與膠鬲比而殷亡。按國語。殷亡作亡殷。韋昭云。膠

鬲。殷賢臣也。比比功也。膠鬲佐周亡殷。姐己為之作禍。

其功同也。

張君嗣在益州。為雍閬縛送孫權。閬縛裔以送孫權。○

權未之知。未知裔之賢。

註鍾元常之倫也。鍾繇字元常。○耆率入耆地名。率

帥同。○乃以裔為益州太守。蜀先主以裔為益州太

守。○不賓。不迎也。○假鬼教曰云云。閬竊欲免裔。

故假鬼教也。鬼教。鬼名之教也。○丁宏揆張。揆張。舒

豔也。謂丁宏之言浮豔也。○陰化不盡。私陰變化。不

盡其意。○更乞丐之。更工衡反。丐與也。與句通。

鍾毓為黃門郎。有譏警。譏與幾通。警。悟也。見幾而悟也。

○臯繇何如人。特犯毓父名以調戲。○古之懿士。懿

景王父名。○顧謂玄伯元夏曰。毓既對景王畢。乃顧二

子云。○君子周云云。二子與景王共嘲。故云君子不比

不黨。周羣。乃二子父名。

嵇阮山劉在竹林章。○亦復可敗邪。譏其不堅也。

陸太尉詣主丞相。王公食以酪。酪江南所無也。

劉真長始見王丞相章。○以腹熨彈棊局。彈棊局以

玉石為之。故熨腹以取冷。○曰何乃洵。且熨且言。何乃

冷之至此。都不與劉語。○唯聞作吳語耳。吳語。卽洵也。

註止能作吳語細唾也。唾。謂不顧人也。左傳云。先軫

不顧而唾。莊子曰。不見夫唾者乎。大者如珠。小者如霧。

蓋所謂細唾是已。

謝幼輿謂周侯章 ○聚溷之穢 溷猥褻也。謝鯤放蕩

嘗挑隣家女。女投梭折其兩齒。鯤傲然無慚色。其穢行如

此。故云聚溷之穢。○卿之所保 保猶據也。

王長豫 王悅字長豫。導之長子。○欲舉行 既布子欲

復舉而改行之。○相與似有瓜葛 父子而言似有瓜葛。

是調戲之也。諺云。賭博場上無父子。故云爾。按晉書云。導

嘗與悅奕棊。爭道。導笑曰。相與有瓜葛。那得為爾耶。

庾征西大舉征胡章 ○送一折角如意以調之。羊譏其

無圭角勇氣也。與遺巾幘意同。

褚季野問孫盛章 ○何當成 何時而當成。○久應竟

竟。即成也。言本應成久。

註乃述唐虞以來至于獲麟 武帝時獲麟。遷史記以

為述事之端。上記黃帝。下至獲麟而止。猶春秋止于獲

麟也。○茸之以蠶室 師古云。茸推也。謂推致蠶室也。

謝公在東山章 ○高靈 據註及晉書。靈當作郵。○因

倚如醉 不知先時多少飲酒。似醉不醉。似醒不醒。蓋托

于醉也。○謝笑而不答 晉書作安甚有媿色。

註以公累免官 謂以公事免官也。

排調下

初謝安在東山章 ○乃捉鼻曰 擁鼻。此生常態。○但

恐不免耳 言終不能拒徵命。

頭責秦子羽云 此晉張敏所作。以戲秦生。并嘲六子。○

審喫無官商 口吃也。此謂溫顛。○厓陋希言語 厓左

傳所謂。公欲焚厓。是也。杜註云。瘠病之人。其面上向。俗

謂天哀其病。恐雨入其鼻。故為之旱。是以公欲焚之。其陋

世。况下。吾甫。卷下。

貌可知。此謂荀寓。○淹伊多姿態。淹滯也。謂不便利也。此謂張華。○謹譁少智諳。諳才智之稱。此謂劉許。○口如含膠飴。言語不分明也。○頭如巾壘杵。如施巾於壘杵之上。此謂鄭詡。○攀龍附鳳。攀龍鱗附鳳翼。言近于君也。

註無伐木嚶鳴之聲。小雅伐木詩。君子雖遷于高位。不忘其友也。其首章云。伐木丁丁。鳥鳴嚶嚶。出自幽谷。遷于喬木。嚶其鳴矣。求其友聲。○王貢彈冠之義。王陽在位。貢禹彈冠。○大塊稟我以精。造物之名曰大塊。莊子云。大塊載我以形。勞我以生。至于下。支雙巔隆起。言大塊稟我者也。○佇立崎嶇。此敬之之狀也。崎嶇不安貌。○恰以代幘。恰。帽也。幘。婦人首飾也。此言唯不戴幘。婦人耳。譏無丈夫志也。○隍推園間。隍猶

隱也。推挫也。言屈隱于園間也。○若此者乎。必子行己之累也。乎語助。言子之如此者。必是直行己意之所欲之所致也。○榮期之帶索。見于孔子家語。○漁父之澆灑。澆灑。魚浮沈貌。○三事。為人寶也。為名高也。為進趣也。遊說。該于進趣。○設以天幸。為子所寄。設假設辭。言雖受性拘係。不習禮義。為子所寄。是若天幸也。○此四者。忠也。信也。成名也。全貞也。介節。該于信。○子所謂天刑地網云云。言今子所稱四者。即是天刑地網也。故必登山赴流者也。○以蟻蝨同情。以與通。○喻子儕偶。儕偶。同輩交友。溫顯等是已。○舐痔得車。出于莊子。見于前。○唇舌腐爛。議論不休也。○手足沾濡哉。謂躬執賤役也。○權圖。權謀也。○鑿池抱壘。漢陰丈人不為桔槔也。亦見于莊子。○

宜其拳局剪蹙。拳局一作蜷局。回顧不前也。剪蹙困縮也。○支離其形云云。莊子云。支離疏者。有役則以病不受功。上與病者粟。則受三鍾。支離其形者。猶足全天年。况支離其德者乎。

王劉不重蔡公章。○無君輩客。夷甫客。皆賢俊。

謝公始有東山之志章。○亦極有會。言中於機會也。

庾園客詣孫監章。○齊莊在外。孫盛次子放字齊莊。

○庾穉恭家。園客以放父字問之。放亦以園客父字答之。

○諸孫大盛。特犯放父名。○還語人曰。放還語人

○得重喚奴父名。奴罵稱彼也。云翼翼是重喚也。

范玄平在簡文坐章。○非拔山力所能助。此言非吾

無力矣。唯時不利耳。時簡文居勢要。蓋不能敢也。

桓公既廢海西。言桓溫廢帝奕為海西公。○未有君拜於

前云云。晉書。溫廢帝而立簡文。詔依諸葛亮故事。甲仗

百人入殿。素有脚疾。詔乘輿入朝。溫多所廢。誅庾清殷涓

曹秀等。是時威勢翕赫。侍中謝安見而遙拜。溫驚曰。安石

何事乃爾。安曰云云。蓋言其威權。帝亦當拜之。

習鑿齒以脚病廢居里巷章。滅樊鄧。並地名。○蹇

疾。跛也。○利在二俊。二俊。陸機兄弟。

桓豹奴是王丹陽外甥章。○桓甚諱之。豹奴自諱之。

王子猷詣謝萬章。○鬚髮何關於神明。先言唇齒相

須。暗言鬚髮不可復亡也。何關於神明。反言之也。不爾。齒

亦何關於神明耶。○今日委君二賢。唯任二賢評。

魏長齊雅有體量。有大體度量。○談者死。談。清言也。

○商畧抵罪。商畧。古人得失。

簡文在殿上行章。○此噉名客。噉名。謂好名也。張季

鴈云。使我有身後名。不如卽時一盃酒。敬美批云。此欲破世間噉名客耳。本謂忘名。乃令此言千載。○自有利齒兒。言天下自有甚焉者。己不足道也。蓋因噉字云利齒。○王孝伯罷秘書丞。○凡官以善去曰罷。以罪去曰免。此自乞去也。○不鈍頗亦驗。罷秘書丞。卽是不鈍之驗。恭自負才地。恒有宰輔之望。不屑秘書丞。而輒棄去。是亦噉名也。

張蒼梧是張馮之祖。嘗語馮父曰。馮父。卽己之子。

顧長康作殷荊州佐章。○遭風大敗。大敗。謂傾覆也。

○真破冢而出。如死而葬者之破冢而出也。

符朗初過江章。○有識中者。中去聲。謂有知識。而中

於用者。

孝武屬王珣求女壻章。○莫近禁齋。禁齋。豕領肉。用

以供御膳者。故況焉。

桓玄出射章。○朋賭。朋耦也。○伯禽之貴。尚不免撻

隱一魯字。蓋爲以聖撻魯也。○劉參軍宜云云。周不

學。故不知劉說爲譏己。宜停且勤。欲損過而益不足。乃均

平。此本於老子。道其猶張弓乎。有餘者損之。不足者與之。

東府客館是版屋章。○王乃復西戎其屋。王。會稽王

司馬道子。

祖廣行恒縮頭章。○從屋漏中來。西北隅。謂之屋漏。

王延之阮韜章。○後爲江州。延之爲江州。○與朝士

同例。雖與韜內兄弟。所餉與朝士同例。○未嘗有別意。

言卿未嘗有所憐于阮韜也。○當由劉家月且邪。許

邵論鄉黨人物。每月朔。更其品題。時號月且評。

註明帝飭材官。飭與敎通。○自比管葛。管仲。孔明。

謝康樂小時章 ○瑛那得不生靈運。其意謂大才尚  
生不才。不才亦那得不生大才。

范蔚宗臨刑時章 ○不同夏侯色。夏侯太初臨刑色  
不變。

註來緣愷無識 愷愚頑也。○豈論東陵上 莊子云  
跖死利於東陵之下。伯夷死名於西山之上。○綜熙先

笑曰。孔熙先與曄比而為逆者。○良死乃耳。耳與  
爾通。

劉諒為湘東王所善章 ○愁予邪 楚辭云。帝子降兮  
北渚。目眇眇兮愁予。

侯白好俳諢章 ○為牛羊下來邪。楊羊音同。假言。  
柳機柳昂章

註當塗用事 塗路也。當路。謂居勢要也。

盧相邁不食鹽醋 醋醯別名。論語或乞醯。即醋也。  
盛度體豐肥章

註為館職 史館。昭文館。集賢院為三館。直館。直院曰  
館職。

王介甫為相章 ○貯許水耳 許水。猶云若許水也。  
註楊蟠無齒 無齒列。即是無涯際之意。

蘇長公在惠州章 ○端明已歸道山。軾嘗為翰林學  
士。宋端明殿學士。以翰林學士之久次者為之。軾嘗為之。

故稱端明。道家謂死為歸道山。  
蘓長公在維揚章

註數遭白簡逐出 白簡。奏劾不法書也。傅玄性急。每  
有奏劾。奉白簡。坐以待旦。是也。○彈文 即白簡之文。

秦太虛為御史賈所彈 彈。彈劾也。

註好大而見奇。所好大而所見不凡也。○以謁告寫佛書。謁告。休謁也。謂吏請假也。

輕詆上

劉荊州嘗自作書章。○將使張子布見乎。張昭字子

布。少好學。通左氏春秋。矜嚴有威風。此其意以張昭與帳下兒一視也。

王太尉問眉子。汝叔名士。太尉王衍。衍子眉子。叔即衍弟也。

深公云。人謂庾元規云云。小人謂之名士。以我視之。曾中柴棘三斗許。

庾公權重。足傾王公。謂王導也。

註驚言自息。紛紛之說自息。○回貳。猜疑也。○命在申。申於五行屬金。○為土地主。謂為丹陽太守。

○於申上治。丹陽有冶所。○漢高六年。令天下縣邑

此邑下。脫一城字。按漢書。高祖六年。令天下縣邑城。師古曰。令縣邑築城也。

王丞相輕蔡公章。○蔡充兒下充。蔡謨父。

註時有妍妙。妍美也。妙少年也。○元會日。元日百官朝賀曰元會。○是第四五等諸郎。曰第四五等。則

猶有其上等可知矣。所謂兒女成行。是已。蓋言我公別館兒女極眾。此第四五等諸郎耳。或云。第第宅也。即謂

別館也。○劣得先至。劣。僅僅不足之辭。王右軍在南章。○還其所如。如。真如狔。真如犢也。

褚公與孫興公同遊章。○卿念我。當念平生歡。褚太傅南下章。○何嘗相比數。比。親比也。數音索。

植公入洛章。○一羸特。特當作犝。犝。牝牛也。

謝鎮西書與殷揚州章 ○常謂 我常意謂○使君降階為甚 使君斥謝也降階敬重之也。

袁虎伏滔同在桓公府章 ○未足以榮國士 不足榮是輕桓也稱國士自許高矣。

孫綽作列仙高丘子贊章 ○為我龍摠 摠騰也言若遇風雲際會此豬為龍騰矣○道何物 道謂也余初謂

如何物○真豬也 及視之乃真豬也直用其贊語詆之孫長樂兄弟章 ○歎雜 歎歎曲也歎曲猶委曲也後

漢書謹言與人不欵曲是也。簡文與許玄度共語章 ○故可不至於此 許之為人

故可不至於此劉云似謂許無忠事是也。註父子一本也亦不復難 言父子天性本與我一也

與父亦不復難惟與君為難。蔡伯喈賭昧笛椽 蔡邕眄柯亭椽為之故名曰賭昧笛

椽○聽妓 借妓令吹也○振且擺折 擺搖也○三祖壽樂器 壽謂保守而存之久也。

王中郎與林公章 ○箸臙顏 文度非尤時俗放蕩以臙箸顏詆整其威儀也○恰繪 繪未詳蓋布名以繪為

恰也○逐鄭康成車後 宗鄭玄解說也。王長史求東陽 求為東陽太守○後疾篤 王濛疾篤

謝太傅謂子姪曰章 ○始是獨有千載 始當作殆獨有于千載言千載一人也○衿袍未虛 衿與襟同虛已

聽容曰虛襟。庾道季詫謝公曰 詫當作託劉謂詫誑託也○何得為復飲酒 已可謂達矣復何須飲酒○都不下賞裁 謝

都不賞裁○作裴氏學 經酒壚下事亦非實事庾亮云

世說新語補篇 卷之下



此中朝所不聞。江左忽有此論。蓋好事者爲之耳。與裴郎支道林事同一謬妄。故以爲裴氏學。○皆是先寫。未經謝斷先寫本。古者書皆寫本。故曰寫。

註有罷中宿縣詣安者。中宿縣名。言罷縣令將歸。詣安也。○旬月無賣。旬月。一月也。無賣。賣盡無餘貨也。殷顛庾恒章。○頰似足作健不。強有力爲健。此謂能幹事也。言頰之似。亦足爲健乎否。

舊目韓康伯將肘無風骨。將去聲。將肘。拱之狀也。王中郎舉許玄度章。○相王好事。時垣之爲簡文參軍從事。

王興道謂謝望蔡。霍霍如失鷹師。霍霍。揮霍也。謂猝遽也。使鷹者曰鷹師。猶捕魚者曰漁師也。漁師見于月令。

輕詆下

顏延之每薄湯惠休詩章

註恐商周矣。喻文質殊絕也。○休鮑之論。即匹之

鮑昭是也。忌昭之文。故貶昭以匹惠休也。

謝宣映曾於公坐章。○渭陽情。秦風渭陽詩。念母而

厚于舅也。我送舅氏。曰至渭陽。是也。

丘車騎常在沈深坐。常與嘗通。○何如我未進。何如

於昔日我未進時。言今日非復已之匹也。

註世號爲腰鼓兄弟。腰身中也。鼓取鳴義。言仲子深

最有名譽也。

張敬兒拜車騎將軍章。○我馬上得之。言以戰功得

車騎將軍也。

註王休祐。王云。休祐是宋諸王。上當有山陽二字。不

爾可云劉休祐。○以彥回爲戲也。彥回稱風雅。以其

相反絕。戲之以爲彥回也。

劉中郎性韻剛疎。韻風度也。○不能殺袁劉。別本作賣。殊勝殺字。○安得免寒士。蕭道成與袁粲謀廢立。粲不可。淵贊之。遂殺蒼梧王。袁粲劉秉欲迎立安成王。而密謀誅蕭道成。褚淵以其謀告道成。粲父子被殺于石頭城。百姓哀之。曰。寧作袁粲死。不作褚淵生。

王奐初拜僕射章。○如汝人才。暗斥譏王奐也。

註叩頭保之。保必無異志也。

徐常侍聘齊。聘于北齊。

劉晝作六合賦章。○無斌媚。言無可愛悅。斌亦媚也。

狄仁傑有盧氏堂姨。盧氏是仁傑堂姨也。母同堂姊妹。

曰堂姨。即母從父姊妹也。○伏臘。伏。三伏也。初伏薦麥。

瓜于祖。臘。十二月祭。以獸祭先祖。伏臘並有賀會。

嚴武以世舊。各自父祖友交。故云世舊。

註擁旄西蜀。謂爲劍南節度使。○騁其筆札。謂請

召杜甫。○擬捋虎鬚。言將遇害也。

杜少陵宿龍門詩章。○直是怕他。是與王介甫也。

郭昱狹中詭僻章。○惡其矯激。矯激。謂非其本真。矯

爲詭激之行也。

張文潛嘗問張安道章。○賢只消去看字說。消音須。

言欲見安石不曉事。足下只須去看字說。

註大懼冒浼。若非其正義。是冒浼也。○冀或涓塵。

涓潔也。即潔所冒浼也。

假譎

魏武少時章。○青廬中人。北方昏禮。用布青縵爲屋。

謂之青廬。於此交拜行禮。○與紹還出。曹袁共俱出。○

墜枳棘中。二人共墜枳棘中。○紹不能得動。魏武已出。紹獨不能出。○紹違迫自擲出。若非違迫。則不至於自擲出。終將見捕。魏武黠計亦巧矣。

魏武常言。人欲危己。己輒心動。己並音紀。○其使無他言。終使汝無死。○執者信焉。見執者。卽所親小人也。袁紹年少時章。○因帖卧牀上。牀前帷曰帖。

王大將軍旣爲逆章。○騎巴賓馬。巴賓。蜀中地。蓋蠻夷所居。揚雄蜀都賦云。東有巴賓。綿亘百濮。○惕之。說文。惕訓息。於此義自明暢。王云。惕字無謂。當作謁。何必改作。○黃須鮮卑奴。帝母荀氏。燕代人。帝狀類外氏。鬚黃。敦故謂帝云。

溫公喪婦。從姑劉氏。從姑。卽父之從父姊妹。是溫氏矣。劉氏乃其女姓也。故孝標亦疑。不聞嶠娶劉氏。添註駁孝

標何也。臣云。劉氏政謂其姑。此以從姑爲何族耶。可笑。○家值亂離散。家卽劉家。從姑所嫁之家也。○唯有一女。唯有此一女。卽劉氏也。○下玉鏡臺一枚。下去聲。贈也。○以手披紗扇。婦人出。以扇蔽面。披開也。

范玄平爲人好用智數。數術也。諸葛令女章。○乃移家近之。諸葛移家。而近於江。○於是家人一時去。旣徙而復歸于舊家。○其意轉帖。帖。妥帖也。謂定。○詐厭。厭。厭。厭。通。下同。

註康王之言。所輕多矣。尚書畢命云。世祿之家。鮮克由禮。以蕩陵德。實悖天道。此康王之言也。

愍度道人始欲過江章。○立心無義。立心於無之義。○此道人不。成渡。愴道。人不過江。○講義積年。講無義也。○先道人。卽愴道人也。○無爲遂負如來也。舊

義也。○先道人。卽愴道人也。○無爲遂負如來也。舊

義真是如來本旨也。

註好是拔新。好呼報反。小雅云。好是正直。○俱稟昭

見。謂人皆受靈性也。○孤桐嶧陽。浮磬泗濱。人珍

汝。如嶧陽孤桐。如泗濱浮磬。嶧山。孤桐。材中琴。泗水中

石。可以為磬。輕如鴻毛。故曰浮磬。並希世寶也。

王文度弟阿智。惡乃不翅。不翅。容貌陋惡也。其性質亦

頑。○藍田驚喜。王藍田。阿智父也。

姚崇與張說章。○各懷疑阻。阻險也。相疑而相備也。

○登時錄進。即時錄之上聞。

註宜宣與御史中丞。共按其事。唐故事。中書舍人掌

詔誥。皆寫兩本。一為底。一為宣。在中書可檢覆。謂之正

宣。此既奏張說罪狀。當以詔按究。故云宜以宣與御史

中丞。按其事。○一跳跡去。跳與逃通。○就御史臺宣

御臺宣。即所在中書正宣也。○亭毒之功全。亭

毒。化育也。

秦會之夫人章。○咎其失言。御厨之所無。而人臣家

有之。是踰于上貢也。

黜免

蜀先主銜張裕不遜章

註天才過於周羣。周羣字仲直。明天文術數。

諸葛宏在西朝章。○檻車。師古漢書註云。車為檻形。

以板四周之。無所通見。一作轡車。

殷中軍被廢章。○揚州吏民尋美逐之。逐追也。吏民

嘗與浩有恩義者。追從之。○咄咄怪事。咄咄驚怪聲。言

咄咄此何謂也。蓋自怪何以此也。

註襄前驅。恐遂反。使襄前驅。初浩惡襄殺魏憬。以并

卷下

其衆遷襄於梁。故恐怨遂反。

殷中軍被廢後章 ○儋梯將去 儋與擔通。

註外生韓伯 外生甥也。

鄧竟陵免官後章 ○不能不恨於破甑 破甑喻免官。

註三府並辟不就 三府太尉丞相太司馬 ○東夏以

爲美賢 中國曰華夏故東方爲東夏。

桓玄敗後章 ○意似二三 言有貳心 詩云二三其德。

○槐樹婆娑 婆娑衣揚貌。蓋以喻枝葉隨風耳。 ○無復

生意 托以言其不甘也。

註高祖以其衛從二后 高祖宋武帝。劉裕也。二后晉

室二后也。桓玄爲劉裕所敗。仲文因奉二后投義軍。 ○

自以云云 此自許也。言我是名輩先達。當得至重也。

○疇昔之所附也 所屬附于己者。晉書作所輕。

殷仲文既有名望章 ○當復出一孫伯符 殷竊自況。

梁武每集文士章 ○錦被事 陳元方遭父喪哀慟骨

立。其母慙之。竊以錦被蒙其上。郭林宗往弔。見而責曰。卿

海內雋才。如何當喪錦被蒙上。孔子曰。衣夫錦。食夫稻。於

汝安乎。奮衣而去。自後賓客絕百許日。

說華見古

孟浩然章 ○待詔金鑾 學士院號金鑾。 ○錯愕 愕

當作愕。錯愕。倉卒驚遽貌。 ○所業 謂其所著作也。

令狐綯曾以舊事訪於温庭筠 唐宣宗賦詩有金步搖

未能對。令温飛卿續之。温以玉條脫應之。宣宗令甲科處

之。爲綯所沮。綯嘗問條脫于飛卿。答曰云云。綯甚怒。條脫

腕釧也。是臂飾也。南華無之。或云出真誥。非欺則繆記耳。

儉嗇

司徒王戎既貴且富章 ○水碓 依水涯壅土流。設水

車轉輪與碓身交。激使自春。其利十倍。○契疏鞅掌。契疏券也。鞅掌煩事重擾也。

鄰公大聚斂章。○倚語移時。倚倚柱也。

汰侈

石崇每與王敦入學戲。入學校遊戲。○去人何必有問言。何必與七十子相去遠哉。○當令身名俱泰。言欲身富名亦盛也。

石崇廁章。○甲煎粉。甲煎香名。隋主每除夜焚沈香數車。光暗則以甲煎沃之。卽是也。○又與新衣箸令出。客如廁者。必與新衣。

武帝降王武子家章。○綾羅綺襪。襪婦人上服。

王君夫有牛章

註有在公之稱。詩云。夙夜在公。在公。歇後也。○未服

輜軒。重曰輜。輕曰軒。○陰虹屬頸千里。有陰虹而

骨屬頸者。一日行千里。○捶頭欲得高。謂捶之頭欲

其高也。捶與捶通。○大賺踈肋難齡齡。賺左右虛肉

處。凡牛馬腰後窅處曰賺。齡當作齡。齡內口中也。齡吐

而噍也。

石崇爲客作豆粥。咄嗟便辦。言頃刻便辦也。按增韻云。

咄嗟咨語也。蓋咨語之間便辦。故以咄嗟爲頃刻之義也。

○韭萍齏。齏和也。醯醬所和。此菹菜通稱。○崇牛數十

步後。其相發之初。崇牛故後數十步。○爲搯腕。搯握

也。搯腕謂自誇也。史記封禪書。海上燕齊之間。莫不搯腕

自言有禁方。○曲將車人不及。制之爾。將車之人不能

及牛。而制之。故爾。○聽偏轅。脫其一旁也。

羊稚舒冬月釀章

註作領護軍各十年。各者領軍護軍也。

羊祖忻性善音律章。○腰圍一尺六寸。言細腰也。

註於兩艦舳起三間通梁水齋。艦舳小舟也。燕居之

所曰齋。蓋於舟上設燕居所也。○填咽。咽塞也。○有

器局。材幹曰局。

韋陟廚中飲食章。○黃緣須入郇公厨。黃緣緣連也。

言尋緣連以干進也。

註出入清顯。職慢而位顯曰清顯。

忿捐

虞仲翔放棄南方章。○使天下一人云云。言天下若

有一人知己者足以不恨。

王藍田性急章。○況藍田邪。右軍以藍田為勝於東

海故云况。

王司州嘗乘雪章。○作色不衷。不平色形於面。○與

牀就之。與舉也。○鬼手馨。馨晉人語助。

桓宣武與袁彥道構蒲章。○齒不合。齒五木所記。○

擲去五木。五木。篋也。古用五子以木為之。故曰五木。後

世以骨為之。

王凝之謝夫人。王凝之妻。謝道韞。○阿大中郎。謝萬

也。

王令詣謝公章。○去後語胡兒曰。王獻之去後。謝安

語謝朗。○子敬實自清立云云。自賢曰矜。其態作咳聲。

故云矜咳。言此舉唯在子敬。則實是清立也。但人為如此。

多是矜咳。殊足損其自然。

王彥深不為群從所禮。羣從。羣從兄弟也。

註乃要宿。乃要孔章令宿。○一名龍泉。鑄題云。

蕭南郡除少府章。○寺內。寺少府所居也。漢以大常光祿勳衛尉太僕廷尉大鴻臚宗正司農少府爲九卿。爲九寺。後魏以來。卿名雖仍舊。而所蒞之局。謂之寺。

王融自恃人地。人地。才能名族也。

虞玩之好臧否人物章。○投阜莢於地。鹽必用阜莢。

丘車騎初領驍騎將軍章。○引諸僮渡。引中州人渡。

江榮本吳人。初入洛。歷顯任。後還吳。○塗轍。宦路也。

梅侍讀晚年躁於祿仕。躁。急也。○兩府。宋時別於禁

中置中書。爲政事堂。與樞密院爲兩府。註二府同。

讒險

遠悅有口才。能短長說。揣摩術也。按短長說。興於六國

時。行長入短。其語隱謬。用相激怒。史記所謂謀詐用。而縱

橫短長之說起。是也。○後丁艱。丁。當也。父母喪曰艱。○

此皆是痴痛。痛字絕句。○司馬孝文王。司馬道子也。

註有寵於會稽王。即司馬道子。○專覽朝權。覽與

攬通。執也。

盧杞忌張鎰剛直章。○恐後生變。不使宰相信臣鎮

撫之。恐生變。

註承風以死論。承盧杞之風旨。以死論。○兒母累於

道。母音無。

尤悔

陸平原河橋敗章

註著衣帕。帕同恰。士服也。狀如弁。缺四隅者。

陵平原在洛章。○思鄉轉深矣。然勢至此。不能復退。

王大將軍起軍。丞相况弟請關謝。兄弟。羣從兄弟也。王

敦之舉。與劉隗勸帝。盡除諸王氏。王導率羣從。請關請罪。



○深憂諸王 以諸王事為憂。蓋欲周旋以免之也。○百口委卿 欲賴卿免罪也。○問丞相曰 此時丞相奉詔詣石頭見敦。可為三公不。晉書云。王敦構逆。王師敗績。周顛奉詔詣敦。敦曰。伯仁卿負我。顛曰。公戎車犯順。下官親率六軍。不能其事。使王旅奔敗。以此負公。敦憚其辭正。不知所答。後與戴若思俱被收。又曰。敦既得志。問導曰。周顛戴若思。南北之望。當登三司。無所疑也。蓋其意欲以其才能釋免之。故問導也。○周侯由我而死。王楙論曰。人不可自處暗昧之地。暗昧之地。災禍之所由生。周侯之謂也。夫救人而不使知。示以公道。志非不佳。然密為申救。不示私恩足矣。何至告之而不應。而有揚揚自得之色。殺賊奴之罵。當此之際。雖善人長者。亦所不能堪。此顛自召禍也。可謂不得其死然。將以避患。反以召禍。哀哉。

漢公欲起周子南章。○周從後門出。避庾不見。○一往奄至。往出于其不意。○發背而卒。背發癰而卒。

註戶口差實 言戶口新集也。

王大將軍於眾坐中曰章。○邑五馬領頭而不克。此喻樗蒲也。邑。未成都也。成都則是克矣。五。五次也。馬。樗蒲馬子也。按周顛為荊州刺史。為兗州刺史。補吏部尚書。拜太子太傅。尚書左僕射。是五次馬領頭也。然未至三公。譬之未成都。故曰邑。顛有酒失。數為有司所繩。譬之馬頭被殺。故曰不克。○遂至於此。言周被殺也。

註臨當成都。馬頭被殺。臨當成都。將克也。按晉書云。

顛之死也。敦坐有一參軍樗蒲。馬於博頭被殺。因謂敦曰。周家奕世。令望而位不至三公。及伯仁。將登而墜。有似下官此馬。

阮思曠奉大法。釋氏自稱其道曰大法。○見遂不濟

祈請無靈而死。○宿帝都除。釋氏有六通三明。其第五

通曰宿命通。神知已往。三明者。朗照三世者也。宿命則過

去心之明也。宿命都除。言斥除過去。未來之說也。謂人間

唯一世耳。如過去未來之說。則必無之事也。故曰都除。

桓公臥語章曰。○屈起坐。屈起。起而不立也。

桓公初報破殷。荆州。桓玄破殷。仲堪乃求領江荆二州。

註人情注於玄。意所嚮曰注。時人皆注意於玄。○道

人竺僧憊。憊當作潛。屬下句。或以為僧名。非是。

孔熙先與范曄同逆章。○望風吐欵。吐欵。吐實情也。

註與曄戲。戲。博奕也。

陸鴻漸與常約熊章。○著黃帔衫。帔衫。即褶子也。衣

肩背曰帔。釋名云。被之肩背。不及下也。○左右割目。

云霎時也。○摩切也。○酬博士。進茶使令者。俗謂之

茶博士。○夙遊江介。介。側畔也。楚辭云。江介之遺風。

紕漏

任育長年少時章。○王丞相請先度。度。度江也。○一

見便覺有異。丞相一見育長。便覺異于疇日。○此為茶

為茗。此為茶耶。為茗耶。○覺有異色。任覺承問者。有

怪色。○嘗行從棺邸下度。邸。逆旅舍也。度。過也。此蓋歸

葬者。寄於逆旅。而育長適過其下也。

蔡司徒渡江章。○吐下委頓。委頓解。已見乎容止篇。

潘岳事下。蓋此方言也。江南飲毒藥。蕙。謂之頓。頓。慙。即

委頓也。猶云頓眩也。

註蝟蟬小者勞。按爾雅。勞作蝟。郭注云。似蟹而小。即

蝟蟬也。

阮思曠奉大法。釋氏自稱其道曰大法。○見遂不濟

祈請無靈而死。○宿命都除。釋氏有六通三明。其第五

通曰宿命通。神知已往。三明者。朗照三世者也。宿命則過

去。心之明也。宿命都除。言斥除過去。未來之說也。謂人間

唯一世耳。如過去未來之說。則必無之事也。故曰都除。

桓公臥語章曰。○屈起坐。屈起。起而不立也。

桓公初報破殷。荆州。桓玄破殷仲堪。乃求領江荆二州。

註人情注於玄。○意所嚮曰注。時人皆注意於玄。○道

人竺僧憊。憊當作潛。屬下句。或以為僧名。非是。

孔熙先與范曄同逆章。○望風吐欵。吐欵。吐實情也。

註與曄戲。戲。博奕也。

陸鴻漸與常鈞熊章。○著黃帔衫。帔衫。即襟子也。衣

肩背曰帔。釋名云。被之肩背。不及下也。○左右割目。

云雲時也。○摩切也。○酬博士。進茶使令者。俗謂之

茶博士。○夙遊江介。介。側畔也。楚辭云。江介之遺風。

紕漏

任育長年少時章。○王丞相請先度。度。度江也。○一

見便覺有異。丞相一見育長。便覺異于疇日。○此為茶

為茗。此為茶耶。為茗耶。○覺有異色。任覺承問者。有

怪色。○嘗行從棺邸下度。邸。逆旅舍也。度過也。此蓋歸

葬者。寄於逆旅。而育長適過其下也。

蔡司徒渡江章。○吐下委頓。委頓解。已見乎容止篇。

潘岳事下。蓋此方言也。江南飲毒藥。蕙。謂之頓。頓。頓。即

委頓也。猶云頓眩也。

註蛸蟬小者。勞。按爾雅。勞作勞。郭注云。似蟹而小。即

蛸蟬也。

王敦初尚主章 ○下果 下去聲 ○澡豆 白小豆粉

○倒箸水中而飲之 倒傾倒也

王大喪後章 ○喚網紀話 網紀謂官屬僕隸之幹事

者左傳云實紀綱之僕此作綱紀義同 ○勢雖不及作荆

州語不及作荆州之事也 ○意色甚恬 恬安也謂得

意狀

蘇會稽王 司馬道子

殷仲堪父病虛悸章 ○有一般病 有一般姓者病此

○如此不 果如此否 ○臣進退唯谷 孝武大怪嘲以

問之故答如此

劉承胤少有淹雅之度章 ○共載看之 王廋温共載

車候問之 ○至與胡父詣賈 正有胡父詣之與之賈售

○

註善自任造 任任誕也遇隨所遇也言不拘執也

謝虎子嘗上屋熏鼠章 ○時道此非復一過 時時言

此事非復一次也 ○亦言我共作此 太傳言我亦共作

此事

註章仲反 與陟仲反音通

虞嘯父為孝武侍中章 ○獻替 解見乎言語篇 ○謂

帝望其意氣 意氣快豁也

宋武帝稱謝超宗殊有鳳毛 說詳乎前

何敬容在選日章 ○卿與丙吉遠近 問係屬世次之

遠近 ○如明公之與蕭何 敬容誤以名為姓而問故亦

以名為姓而答

祖孝徵放縱不羈章 ○銅疊 疊盛肉器名按疊古作

疊象祭肉積在器也晶音精祭用精肉晶象肉形宜祭器

也。後世遂以為盛肉器名。

註失金叵羅云云。金叵羅。酒器也。或疑髻上豈可以置酒器乎。然此酒卮極小者。挾諸髻中。以帽覆之。可以得置髻上。

貞觀中。尚藥奏求杜若。尚藥局。掌御藥。如淳曰。謂掌天子之物曰尚。○華省名郎。蘭臺令史署曰華省。所謂地居華省。職在修文。是也。○豈不良二十八宿笑人耶。二十八宿。即斥華省名郎也。言若我輩致此謬。而令彼省郎作此判事。則豈徒笑而已邪。其罪誠可良也。

褚遂良。其父亮尚在。乃別開門。遂良所居別開門。元絳知福州日章。○如何行遣。行遣。發落也。○元絳未嘗指揮。誤聞元降為元絳。以為犯己名。故怒而云。○聖間馬從一章。○刺謁。若刺也。

### 惑溺

荀奉倩與婦至篤章。○冀後人未昧此語。冀後人不為此語所昧也。

註減於是力。力行也。言不稱於行也。

王安豐婦。常卿安豐章。○遂恒聽之。戎遂聽婦卿已。賈公閻後妻郭氏酷妒章。

說故名曰充。取充足之義。○後必有充閻之異。按本傳作充閻之慶。○甚憂愛愍懷。愍懷太子。惠帝長子也。○老壯異情乎。及其老年。異於壯時情乎。

謝太傅劉夫人章。○外生輩。外生見乎前。○周公是

男子。相為耳。為去聲。○周姃撰詩。姃。女師。

韓壽美姿容章。○青瑣中看見壽。青瑣。宮門刻為連

環文。以青塗。此天子制。充隆寵。特賜此制。○說賜有異於

常。說音悅。

劉道真子婦章。○遣婢虔劉。虔敬也。謂告虔。○聊之

甚苦。龍龕手鑑。聊與撩通。挑弄也。苦急也。

玄宗不好琴。嘗一聽弄。樂曲曰弄。一聽弄。猶云聽一曲

也。

李納性辯急章。○取子布笑。子棊子也。

將兵備秋。匈奴至秋。馬肥弓勁。則入於塞。

宋子京多內寵章。○半臂。襯衣也。

米元章在真州章。○船舷。船邊也。

仇隙

獻帝嘗晏見孔文舉與郝鴻豫。晏見。朝畢後見也。或云

晏當作宴。續漢書作時見。

註操以引論建漸廣。孔融嘗奏。宜准古王制。千

裏內不以封建。操疑其所論建漸廣。益憚之也。

殺身為君。如漢紀信。代高祖是也。○彭寵傾亂。起

朱浮。朱浮與寵不相能。數譖之。光武寵遂反。○鄧禹

威損。失於宗馮。鄧禹征赤眉。令宗欽馮。惜守恂邑。二

人爭權相攻。遂殺欽。因反擊禹。○有執法之平。以為小

介。介猶蒂介也。公法雖平。私情為蒂介者也。○聞之

憮然。撫。失意貌。○猥。惠書教。猥。曲也。○前者黜退

謂郝慮以微法奏免。黜官。○趙宣子。朝登韓厥。夕被

其戮。趙盾言韓厥於靈公。以為司馬。河曲之役。趙盾

使人。以其乘車干行。韓厥執而戮之。衆咸曰。韓厥必不

沒矣。其主朝升之。而暮戮其車。其誰安之。盾召而禮之

曰。吾聞事君者。比而不黨。夫周以舉義比也。舉以其私

黨也。夫軍事無犯。犯而不隱。義也。吾言汝於君。懼汝不

能也。舉而不能。黨執大焉。事君而黨。吾何以從政。謂諸大夫曰。二三子可以賀我矣。吾舉廢也。而中吾乃今知免於罪矣。○枉當官之乎哉。言甘免官也。○愛護相攻。融傳。作愛惡相攻。爲是。○晉侯嘉其臣所爭者大。而師曠以爲不如此競。左傳。秦伯之弟鍼。如晉修成。叔向命召行人子員。行人子朱曰。朱也當御。三云。叔向不應。子朱怒曰。班爵同。何以黜朱於朝。撫劍從之。叔向曰。秦晉不和久矣。今日之事。幸而集。晉國賴之。不集。三君暴骨。子員導二國之言無私。子常易之。姦以事君者。吾所能禦也。拂衣從之。入救之。平公曰。晉其庶乎。吾臣之所爭者大。師曠曰。公室懼卑。臣不心競。而力爭也。○榆次之辱。荆軻嘗游榆次。與蓋聶論劍。蓋聶怒而用之。荆軻出去。○不知貶滅之於已。融傳。滅作毀。言不

知貶毀之存已也。○不念宋人待四海之客。太鑪不令酒酸也。鑪。壘土爲之。以居酒瓮。四邊隆起。一面高如鍛鑪。故名鑪。字或作壚。韓子云。宋人有沽酒者。斗繫甚平。遇客甚謹。爲酒甚美。而酒不售。酒酸。怪其故。問所知閭長者楊倩。楊倩曰。汝狗猛邪。曰。狗猛則何故而不售。曰。人畏焉。令孺子懷錢挈壺甕而往沽。狗逆而齧之。此酒所以酸而不售也。○屈穀巨瓠。韓子曰。齊有居士田仲者。宋人屈穀往見之。曰。穀聞先生之義。不恃仰人而食。今穀有樹瓠之道。堅如石。厚而無竅。願獻先生。田仲曰。夫子徒謂我也。凡貴於樹瓠者。爲可以盛也。今厚而無竅。則不可以盛物任重。堅如石。則不可以剖而斟。吾無以此瓠爲也。曰。然穀將棄之。今田仲不恃仰人而食。亦無益人之國。亦堅瓠之類也。○趙衰之拔卻縠。

晉文公謀元帥。趙衰曰。郤穀可。乃使郤穀將中軍。○  
不輕公叔之升臣。公叔文子。衛大夫。其家臣與文子  
同升之於公。與之並爲大夫。○知同其愛。訓誨發中。  
言曹公與己同愛。郤慮。故發於中心。而訓誨。○雖懿伯  
之忌。猶不得念。檀弓云。滕成公之喪。使子叔敬叔弔。  
子服惠伯爲介。及郊。爲懿伯之忌。不入。惠伯曰。政也。不  
可以叔父之私。不將公事。遂入。鄭注云。懿伯。惠伯之叔  
父也。忌怨也。敬叔殺懿伯。故良惠伯之怨己也。○欲自  
外於賢吏哉。賢吏。謂郤慮也。

孫秀既恨石崇章。○中心藏之。何日忘之。○小雅隰桑  
詩辭。○投分寄石友。分猶志也。一云。分義也。石友。堅固  
相締如石也。○乃成其讖。前定徵兆之言曰讖。

王東亭與王孝伯語。後漸異。有與己不合。○王陵廷舉

陳平從默。各有所見。○但問克終云何耳。言當問成  
敗於結末耳。

註比日視君一似胡廣。王恭之欲斬國寶。珣止之曰。  
國寶雖終爲禍亂。要罪逆未彰。今便先事而發。必大失  
朝野之望。况擁彊兵。竊發於京輦。誰謂非逆。國寶若遂  
不改。惡布天下。然後順時望除之。亦無憂不濟也。恭乃  
止。既而謂珣曰。比來視君云云。胡廣字伯始。仕累遷司  
徒。太尉。太傅。歷事安順。冲。質。桓。靈。六帝。蓋言珣之苟容  
也。

王孝伯歿。縣其嘗於大桁。大桁。朱雀橋也。王敦之反也。  
温嶠燒朱雀橋。以阻其兵。卽此。○標所。標表也。立木爲  
表。書姓名罪狀。

註欲載出都。面相折數。晉書云。湖浦尉收恭。以送京



師道子聞其將至欲出與語面折之而未之殺也時桓玄等已至石頭懼其有變即於瑯康之倪塘斬之

桓玄將篡章 ○汝等近過我餘年餘年無幾故曰近過○我養之 玄幼常在冲所庾氏撫養之

王大將軍執司馬愨王夜遣世將 玉真字世將 謝玄暉頗輕江栢章

註可謂帶二江之雙流 調弄二劉以二江自固也因 鄱江也劉流音同故借以言

顏平原不容於盧杞章 ○公不忍見容乎 公思中丞而不忍容我乎益婉言以責其背德也

註糾彈之地 御史中丞掌糾察百僚不法以彈奏之 故云糾彈之地

世說新語補鵬卷不終

寬延二己歲三月發行

風癩漢

林九兵衛

風月莊左衛門

